

道光雲南志封建志

31711  
40350  
3604  
13





樂山集

浪穹王 崧伯高 舊名 著

門下後學同里杜允中註



道光雲南志鈔三

封建志上

古之封建諸侯有因其所建之國而封之者若徐薛申鄆蓼六吳越之類是也有親賢並建蕃屏王室者若周所封之同姓異姓諸國是也其制廢於秦復興於漢歷代因時變通要不外此

樂山集 卷

一

二者然漢自景武以後令諸侯不得復治國天子為置吏雖有君國子民之名不過食其邑入土地甲兵不得而擅至魏而封建侯王皆使寄地空名雖有王侯之號而乃儕於匹夫晉矯其弊反以基禍蓋寢失先王封建之意故不能收維藩維翰之效降至唐宋名存而實盡亡又有未與國邑先賜美名如東漢之靈壽王征羌侯之類本無土地虛予以名如北魏之建業公丹陽侯會稽侯蒼梧伯之類唐臣蕭瑀顏師古魏



徵馬周宋務光韋嗣立諸人論之詳矣而莫如  
馬端臨之言一則不存三代之公心二則不存  
三代之良法最為駭備也漢之封建三代以前  
不可考而說者謂武王牧野之誓有庸蜀羌髳  
微盧彭濮人滇之裸即盧之轉音濮稱百濮猶  
粵之稱百粵其地非一方一隅之所能概定遠  
縣於唐武德四年置西濮州貞觀十一年更名  
髳州是則髳盧濮三國之在雲南確有可據故  
倪蛻漢雲歷年傳謂八國通指西南夷蓋合滇

樂山集 卷

二

黔楚蜀言之其說良是漢武帝太初改元始用  
夏正後惟武氏改用周正外累代無不以夏正  
相沿而漢之夷俗猶或用子丑之月為歲首且  
有子姬二姓者其始商周封建對之遠黎歟由  
此而推古之封建分命宗室勲賢各往一方一  
隅墾闢草萊綏輯衆庶如熊繹之筆路藍縷以  
開楚疆少康庶子之文身斷髮而邑會稽迨其  
立國既定然後錫之以爵遵九服之制朝貢於  
京師非若漢晉諸王時值承平坐擁城邑安享



富貴也漢與蜀連壤故常璩之志統稱華陽而  
別稱南中當草昧之初事多神怪盤古三皇諸  
氏九頭五龍諸紀見於述異記三五歷記皇王  
大紀通鑑外紀路史諸書者率荒誕不經司馬  
遷既擇其尤雅者為五帝本紀而華陽國志引  
洛書謂人皇兄弟九人分理九州為九圍華陽  
之壤是其一圍圍中之國則巴蜀唐司馬貞補  
三皇本紀所述華胥履大人跡而生庖犧女媧  
氏蛇身人首諸侯共工氏與祝融戰不勝而怒



歸滇各主其山福邦先至西山時有碧鳳集山  
上滇人呼鳳為鷄因名山為碧鷄福邦既歿為  
碧雞山神至德至東山得金馬因以金馬名山  
既歿為金馬山神宏德後至北野歿為巖頭山  
神今安寧有龍馬跳澗山并草溪井龍馬河即  
其所經之地石上蹄跡深尺許南詔野史阿育  
王第八子蒙苴頌居大理白崖號白國楚威王  
命莊躡伐滇躡遂自為滇王後好佛法紀不振  
國人推張仁果為王至漢武帝命張騫使滇立

樂山集 卷

五

仁果為王仍稱白國昆彌氏繼之改白為拜吳  
志大事考初武帝惡滇王常羗言不遜伐之因  
天竺白飯王畜仁果為衆所推立為滇王治白  
崖號白子國莊氏世絕前志雜紀白國之先有  
西海阿育王奉佛惡殺不茹葷腥又稱白飯王  
傳至仁果以慈信治國人戴之元狩間常羗  
治滇池仁果治白崖兩國角立帝嘉仁果而惡  
常羗乃冊仁果為滇王仁果子孫不尚染采不  
殺生命仍號白國傳世十五至龍佑那不變其



舊諸葛亮定南中封龍佑那於其故地又移南  
中勁卒青羌萬餘家於蜀為五部所當無前號  
為飛軍分其羸弱配大姓焦雍婁爨孟量毛李  
為部曲置五部都尉號五子故南人言四姓五  
子也晉罷寧州置南夷府統五十八部夷族都  
監行事每夷供貢南夷府入金牛旃馬動以萬  
計其四姓子弟仕進必先經都監夷人大種曰  
昆小種曰叟有桀黠能言議屈服種人者謂之  
耆老又有夷經南人言語雖學者亦半引其語

樂山集 卷

與夷為姓曰遑耶諸姓為自有耶犯法者輒依  
之藏匿與夷至厚者謂之百世遑耶恩若骨肉  
為其逋逃之藪故輕為禍變恃此也俗尚巫鬼  
好詛盟拔石結草官常以詛盟要之諸葛亮乃  
為夷作圖譜先畫天地日月君長城府次畫神  
龍生夷及牛馬羊後畫部主吏乘馬幡蓋巡行  
安邱又畫牛羊負酒齋金寶諸之之像以賜夷  
夷甚重之又與瑞錦鐵券每刺史校尉至齋以  
呈詣按南中勁卒以下本又封建附錄滇王仁



果西海阿育國王後裔也元狩間帝聞當羌有漢孰與我大之語惡其不遜時仁果善撫其衆與當羌角立乃封仁果為漢王莊騎之世遂絕三國時有鳳龍佑那仁果十五世孫也諸葛亮定南中收用豪傑乃封佑那為建寧國王賜姓張氏傳至十七世孫張樂進求唐武德間遣使隨南寧州都督韋仁壽入朝詔冊進求為首領大將軍永徽四年讓國於蒙氏細奴邏張氏始絕參證諸說紛紜錯雜靡能條貫阿育王事見

樂山集 卷

七

法顯佛國記及水經注河水條所治之城在摩竭提提國也連帛邑昔作小兒時當道戲遇釋迦佛行乞食以一掬土施佛云云釋迦佛之生一說周莊王九年春秋魯莊公七年夏四月恆星不見夜明也魏書釋老志一說周昭王二十二年通鑑一說周昭王二十四年甲寅四月八日前編一說周昭王九年元釋覺岸釋氏稽一說周昭王二十五年元釋念常據藏經所記一說周昭王二十五年佛祖通載無論生於何年阿育王國當周世然非古漢國所稱之宣王時



也佛國記又謂犍陀衛國是阿育王子法益所  
治處阿育王既當周時子名法益則與白古記  
所云三皇之後子名標迥不符矣釋迦牟尼  
尼佛生於天竺之迦維衛國貝  
籍志  
及佛經漢以後諸史皆列天竺於西域傳而雲南  
則為西南夷為南蠻方隅各異佛國記及大唐  
西域記所序諸國皆史書西域傳所不載若西  
南夷南蠻之地名則更無髣髴者南詔野史稱  
阿育王第八子蒙苴頌居大理白崖號白國不

樂山集 卷

八

知何所本且據其所引白古記則蒙苴頌乃阿  
育王之曾孫矣攷唐書西域傳摩揭陀本天竺  
屬國又謂摩揭陀東踰大河地接西南夷又南  
蠻傳南詔居永昌姚州之間東距蠻西摩伽陀  
云云或摩揭陀摩伽陀即摩竭提譯音無定而  
它陀亦互用耶昔漢武帝令王然于相始昌呂  
越人等閒出西南夷指求身毒國至滇皆聞昆  
明莫能通後漢書西域傳天竺一名身毒是則  
滇與天竺相距不遠  
案以今地勢度之騰越廳  
正與天竺相對中為赤髮



野人所阻若驅逐野人相佛國記阿育王壞七  
距不過一千八九百里耳佛國記阿育王壞七  
塔作八萬四千塔魏書釋老志有王阿育以神  
力分佛舍利於諸鬼神造八萬四千塔同日而  
就今洛陽彭城姑臧臨渭皆有阿育王寺蓋承  
其遺跡焉浙江寧波府有阿育王寺舍利塔相  
山明郭子章作為地中湧出因以名寺遂因以名  
阿育王志十卷據此所言則阿育王雖在天竺  
而其子孫分治於滇事或然史記漢書載西  
南夷最詳而白國之名不著或以為疑故後漢  
書西南夷傳永平中自汶山以西前世所不至

樂山集 卷

九

正朔所未加白狼槃木唐叢等百餘國舉種奉  
貢白狼王唐叢作詩三章云云漢之汶山今為  
四川茂州然則白狼者其殆野史所謂白國乎  
古滇說支離雜詭乃好事者所妄造自古記不  
知何人所作今亦罕有其書所述九隆氏出於  
阿育王為諸國之祖似倣史記五帝皆祖黃帝  
之意馮甦滇攷謂南詔僭竊已 臣下務為神  
異之說美其祖宗然自古帝王以及僭竊之君  
蠻夷之長開創時類多神異其中附會增飾固



所不免何獨九隆氏為然後漢書西南夷傳載  
哀牢婦人沙壹生十子名九隆明楊慎因得白  
古通之書作滇載記取沙壹事與仁果龍佑那  
及唐時之南詔牽合為一諸葛元聲滇史謝在  
杭滇畧從之推尋世代乖謬實甚南詔野史大  
事考雜紀所載三說詳畧互異近人倪蜕滇雲  
厯年傳謂據此三說則此滇王乃張氏非莊氏  
矣然太史公曰秦滅諸侯惟楚苗裔尚有滇王  
漢誅西南夷國滅矣惟滇復為寵王以此觀之

樂山集 卷

十

莊氏何嘗世絕乎且張騫亦未至滇云云大抵  
滇之疆域最廣立國於其中者不止一姓蠻荒  
文字猥陋譯語舛譌文人於千百年後追述往  
代臆度傳聞十不得一太史公有言非好學深  
思心知其意固難為淺見寡聞者道爰稽正史  
參以雜說取其近是者述為世家前志所載之  
妙香鶴拓荒唐唐過甚退置軼事中竹王國於夜  
郎漢置牂牁郡在今貴州之遵義普安諸郡縣  
然滇之曲靖臨安二府所統亦在其內故並列



之

滇世家

滇王者故楚將軍莊蹻之後也楚有兩莊蹻一  
莊王時為大盜一項襄王時為將軍為將軍者  
其後稱王於滇滇故西南夷也其俗編髮左衽  
隨畜遷徙在夜郎之西靡莫之屬以什數莫能  
相君長始周顯王時楚宣王與齊威王魏惠王  
燕悼王韓哀侯趙成侯並為山東疆國號為六  
國楚地南有巴渝過江南有黔中巫郡黔中今

樂山集

卷

十一

酉陽州貴州之思州府普安至頃襄王時宣王  
廳巫郡今四川之巫山縣  
懷王威王子頃襄王使莊蹻將兵循江上略巴黔以  
西至滇池方三百里旁平地肥饒數千里以兵  
威定地屬楚欲歸報會秦將張若伐取巫郡及  
江南為黔中郡見史記道塞不通乃以其眾王  
滇變服從其俗以長之莊蹻者楚莊王之苗裔  
也太平寰宇記南蠻四裔按史記漢書皆云楚  
秦威王時使莊蹻略巴黔以長之莊蹻者楚莊王之苗裔  
又按楚自威王後懷王立三楚後至頃襄王  
史則云頃襄王時莊蹻王滇豪即莊蹻也若莊



蹻不自威王時將兵畧地屬楚秦陷巫黔中郡道  
塞不通凡經五十二年豈得如此淹久或恐史  
記謬班生因習便書范曄所記詳考為正又按  
莊蹻王漢後十五年負窮立五年而楚滅後十  
五年秦亡幽王立十年載何故云蹻之王漢滅  
而秦亡此又未詳也文獻通考同今案史記  
秦時諸國願置吏也十餘歲秦滅云云蓋言置  
吏後十餘歲從沅水伐夜郎軍至且蘭極船於  
岸而步戰今貴州之貴筑貴定黃平甯安廳且蘭  
清平遵義平以且蘭有極船牂牁處後漢書注  
越等州縣牂牁乃改其名為牂牁今貴州之貴  
也牂牁船牂牁乃改其名為牂牁今貴州之貴  
靖府臨安府臨通府廣西州皆漢牂牁郡地

樂山集 卷

蹻所王地池水周迴源深廣而末更淺狹有似  
倒流故謂之滇池有鹽池田漁之饒金銀畜產  
之富郎史記正義郎州昆州即莊蹻所王案唐蹻  
既王滇分候支黨世有其土秦并蜀嘗略通五  
尺道史記正義引括地志五尺道在郎州願置  
更主之而莊氏之王如故漢興皆棄此國而開  
蜀故徼也蜀民或竊出商賈取其苻馬燹僮旄  
牛以此也蜀殷富武帝建元六年發巴蜀卒治  
道通西南夷數歲道不通西南夷又數反發兵



興擊耗費無功元狩元年武帝因張騫言通身  
毒國廼令王然于柏始昌呂越等閒出西南夷  
指求身毒國至滇時滇王名嘗羌嘗一作常  
留為求道西歲餘皆閉昆明莫能通滇王與漢  
使言漢孰與我大漢王與夜郎侯分國而治漢  
使唐蒙見夜郎侯多同其言亦然業後漢書西  
唐蒙何史記漢書皆無此言若夜郎侯於  
知分國而治未嘗滅也蓋躡從沅水至滇池  
過夜郎而伐其軍故范史誤以為滅之耳各  
自以為一州王不知漢廣大使者還盛言滇大

樂山集 卷

十三

國足事親附帝注意焉夜郎侯始倚南粵及南  
粵反漢發兵滅之夜郎侯遂入朝帝以為夜郎  
王使王然于以兵威風諭滇王入朝滇王有衆  
數萬人其旁東北勞深靡莫今貴州貴陽皆同  
姓相仗未肯聽勞莫數侵犯使者吏卒元封二  
年帝發巴蜀兵擊滅勞深靡莫滇王始首善以  
故弗誅舉國降請置吏入朝於是以為益州郡  
賜滇王王印復長其民因割牂牁越雋數縣以  
配之後數年并昆明之地皆以屬之紫漢越雋



之定遠府雅州府邛州西昌縣鹽源縣雲南之  
麗江府楚雄府永寧土府皆其地合昆明今麗  
江府元明之通安西南夷君長以百數獨夜郎  
滇受王印滇小邑也最寵焉莊氏傳世至王莽  
時其旁邑昫町王邨昫町今臨安府亦西南夷  
君長武帝所封也莽以四夷僭號稱王遣於古  
制皆更為侯邨與蠻夷之國盡反莽大發更士  
擊之不能尅而還公孫述據益土太守文齊固  
守不降聞光武即位遣使朝貢建武十八年夷  
渠帥棟蠶與姑復標榆檮棟連然建伶昆明諸

樂山集 卷

十四

種反叛殺長吏武威將軍劉尚等發廣漢犍人  
為蜀郡人及朱提夷擊之尚軍遂渡瀘水入益  
州郡界羣萬聞大兵至皆棄壘奔走尚獲其羸  
弱穀畜斬棟蠶帥凡首虜萬餘人諸夷悉平至  
蜀後主建興二年諸葛孔明率衆南征四郡平  
之改益州郡為建寧分建寧永昌為雲南郡又  
分建寧牂牁為興古郡自嘗羌後滇王之名不  
傳蓋淪入羣夷中已

昫町世家 印穀



昫町王者其先為侯不知立國所始漢昭帝時  
其侯亡波從軍正王平大鴻臚田廣明等破益  
州反虜始元五年上曰昫町侯亡波率其邑君  
長人民擊反者斬首捕虜有功其立亡波為昫  
町王傳世至禹成帝河平中與夜郎王興漏臥  
侯俞舉兵相攻牂牁太守陳立斬興士衆皆釋  
兵降禹與漏臥侯俞震恐入粟千斛牛羊勞吏  
士禹傳至邛值王莽篡位改漢制賤昫町王為  
侯邛怒恨牂牁大尹周欽詐殺邛邛弟承攻殺

樂山集 卷

十五

欽州郡擊之不能服三邊蠻夷愁擾盡反時越  
嵩郡守枚根調邛都人長貴漢書作任貴邛都  
今四川直隸州以為軍侯更始二年長貴率  
種人攻殺枚根自立為邛穀王領太守事又降  
於公孫述述敗光武封長貴為邛穀王建武十  
四年長貴遣使上三年計光武即授越嵩太守  
印綬十九年武威將軍劉尚擊益州夷路由越  
嵩長貴聞之疑尚既定南邊威法必行已不得  
自放縱即聚兵起營臺招呼諸君長多釀毒酒



欲先以勞軍因襲擊尚尚知其謀分兵先據邛  
都遂掩長貴誅之徙其家屬於成都而復响町  
舊號安帝時永昌益州蜀郡夷皆叛衆十餘萬  
破壞二十餘縣益州刺史張喬遣從事楊竦將  
兵至牂榆破之渠帥三十六種皆來降附响町  
王復史不復見然諸種降附當在其中也志南中  
响町王國其置自濮王  
夜郎世家  
漢時西南夷君長以十數夜郎最大在蜀郡徼

樂山集 卷

外東接交趾西鄰滇其地鄰牂牁江江廣數里  
出番禺城下番禺曰且蘭即今之遵義夜郎即今  
之桐梓則牂牁江在定番城南定番去且蘭尚數  
百里且隔烏江莊崎何處極船云案其地多  
定番州今貴州貴陽府屬烏江在府北其地多  
雨潦俗好巫禁忌寡畜產故最貧响町有枕柳  
木可以為麵百姓資之漢時竹王興於遯水陽  
國南中志夜郎縣有遯水通廣鬱林有竹王三  
郎祠水經温水出牂牁夜郎縣又東至鬱林廣  
鬱縣為鬱水鄰道元注初有女子浣於水濱有  
鬱水即夜郎脉水也注初有女子浣於水濱有  
三節大竹流入足間推之不肯去聞其中有號



聲剖竹視之得一男兒歸而養之及長有才武遂  
雄夷狄自立為夜郎侯以竹為姓指所破竹於  
野成竹林嘗與從人止大石上命作羹從者曰  
無水迺以劍擊石水出後漸驕恣傳國至多同  
武帝建元六年大竹王恢擊東粵東粵殺王郢  
以報恢因兵威使番禺令唐蒙風曉南粵南粵  
食蒙蜀枸醬一作枸蒙問所從來曰由西北牂牁  
江出番禺城下蒙歸至長安問蜀賈人獨蜀出  
枸醬多持竊出市夜郎夜郎者臨牂牁江江廣

樂山集 卷

十七

百餘步足以行船南粵以財物役屬夜郎西至  
桐師然亦不能臣使也蒙迺上書說帝曰南越  
王地東西萬餘里名為外臣實一州主今以長  
沙豫章往水道多絕難行竊聞夜郎精兵可得  
十萬若從番禺浮船牂牁出其不意此制粵一  
奇也誠以漢之強巴蜀之饒通夜郎道為置吏  
甚易帝乃拜蒙中郎將將二千人從巴苻關入  
見夜郎侯多同厚賜諭以威德約為置吏使其  
子為令夜郎旁小邑皆貪漢繒帛以為漢道險



終不能有也。廼且聽蒙約還報。廼以為犍為郡。  
文獻通考四裔考後漢書云武帝元鼎中置犍  
犍郡。成以竹王非血氣所生。甚重之。求為立後。  
配其太守。英霸以聞。天子乃封其子。為侯。與班  
著其夜郎侯。降封王。不復殺。成帝時。猶謂之夜  
郎王。燭焉。得云竹王被殺。復封其子。為侯。與班  
史全乘異。華陽國志性詭。范燭因習。纂錄不復  
刑革云。及後漢書參互訂正。著之。發也。蜀卒治  
道。自犍道。指牂牁江。蜀人司馬相如亦言。西夷  
邛笮。可置郡。廼使相如。以中郎將。往論。皆如南  
夷。為置一都尉。十餘縣。屬蜀。當是時。巴蜀四郡

樂山集 卷

通西南夷道。載轉相饒。數歲。道不通。公孫宏言  
其不便。可且罷。專力事匈奴。帝許之。罷西夷。獨  
置南夷。兩縣。一都尉。稍令犍為。自葆就。漢書注  
守且修成。及元狩元年。博望侯張騫使大夏。還  
盛言大夏在漢西南。慕中國。患匈奴。隔其道。或  
聞邛笮。西可二千里。有身毒國。誠通之。便近。又  
亡。帝廼令王然于。柏始昌。越人等出西南  
夷。至滇。指求身毒國。皆閉。昆明莫能通。滇王及  
夜郎侯。各自以一州王。不知漢。廣大興使者言



漢孰與我大帝使 義侯因犍為發南夷兵誅  
南粵且蘭君恐遠行而旁國虜其老弱乃與其  
衆反殺使者及犍為太守漢迺發巴蜀罪人當  
擊南粵者八校尉擊之會南越已破中郎將郭  
昌衛廣引兵遊行誅隔滇道之且蘭遂平南夷  
為牂牁郡夜郎侯始倚南粵南粵已滅遂入朝  
帝以為夜郎王與滇王並賜王印漢誅且蘭印  
君並殺苴侯冉駹皆震恐請臣置吏以邛都為  
越嵩郡苻都為沈黎郡今四川清  
溪縣地冉駹為汶山

十九

郡今四川茂州地廣漢西白馬為武都郡今甘肅階州地夜郎  
王傳國至興當成帝時興與叟町王禹漏臥王侯  
俞更舉兵相攻牂牁太守請發兵誅興等議者  
慮道遠迺遣太中大夫蜀郡張匡持節和解興  
等不從命刻木象漢吏立道旁射之杜欽說大  
將軍王鳳曰匡和解蠻夷王侯王侯受詔已復  
相攻輕易漢使不憚國威其效可見恐議者選  
更復守和解太守察動靜有變迺以聞如此則  
復曠一時王侯得收獵其衆申國其謀黨助衆



多各不勝忿必相殄滅自知罪成狂犯守尉遠  
藏溫暑毒草之地雖有孫吳將責育士若入水  
火往必焦沒知勇亡所施屯田守之費不可勝  
量宜因其罪惡未成未疑漢家加誅陰救旁郡  
守尉練士馬大司農豫調穀積要害處選任職  
太守往以秋涼時入誅其王侯尤不軌者即以  
為不毛之地亡用之民聖王不以勞中國宜罷  
郡放棄其民絕其王侯不復通如以先帝所立  
累世之功不可墮壞亦宜因其萌芽早斷絕之

樂山集

卷

二十

及已成形然後戰師則萬姓被害大將軍鳳於  
是薦金城司馬陳立為牂牁太守立臨邛人前  
為連然長不韋令蠻夷畏之及至牂牁論告興  
興不從命立請誅之未報迺從吏數十人出行  
縣至興國且同亭召興興將數千人往至亭從  
邑君數十人入見立立數責因斷興頭邑君曰  
將軍誅亡狀為民除害願出曉士眾以興頭示  
之皆釋兵降立還歸郡興妻父翁指興興子邪  
務收餘兵迫脅旁二十二邑反至冬立奏募諸



夷與都尉長史分將攻翁指等翁指據院為壘  
立使奇兵絕其饗道縱反間以誘其衆都尉萬  
年曰兵久不決費不可供引兵獨進敗還立怒  
叱戲下令格之都尉復還戰立引兵救之時天  
大旱立攻絕其水道蠻夷共斬翁指持首出降  
夜郎爵純

論曰漢武帝開西南外徼封其君長三王滇夜  
郎以寵故受王印而暘町王之波獨以有功褒  
賞賢於嘗羌多同遠矣或謂帝惡嘗羌有漢孰

樂山集 卷

與我大之言迺立白飯王裔仁果為滇王莊氏  
世絕南詔夫太史公不曰漢誅西南夷國多滅  
矣唯滇復為寵王乎夜郎之王始於多同至成  
帝時興猶以王稱而范史謂帝斬竹王封其三  
子為侯宜馬氏端臨譏其怪詭也黔書曰竹王  
之事與盤瓠盤瓠杜魄荆尸之說無以異豈果  
有其事乎抑妄以傳妄而莫之究也然吞卵履  
武載在雅頌張鷟斯之為竜種也寶誌之育鳥  
巢也蜀妃之為山精盧志之為鬼子也烏可以



恒情測夏冰語哉由漢迄今千百年記之不少  
衰楊老黃絲驛有竹二郎祝鬼方尚鬼大抵然  
矣抑又聞之黔稱貴竹實此之由零陵記云桂  
竹之埜產桂竹竹譜又作筴竹然世之稱者不  
從筴而從貴以竹王故也  
白蠻世家白狼王唐最白狼樓薄蠻萬王唐  
白蠻者一曰白夷又曰白子其先為西域天竺  
國白飯王天竺有神人曰釋迦牟尼佛漢孝武  
帝元狩中霍去病征匈奴過居延獲其金人長

樂山集 卷

丈餘及開西域張騫使大夏還傳其旁身毒國  
有浮屠之教身毒者一名天竺浮屠者譯言佛  
也釋迦牟尼之父曰淨飯王佛國記作淨飯王  
之兄曰白飯王其弟曰斛飯王又有摩竭提國  
其王曰阿育稍後於釋迦牟尼而敬信佛法雲  
南於漢為西南夷地連西域武帝遣王然于等  
指求身毒國而至滇以其可通也白飯王阿育  
王所治兼有雲南之地而非同一國或謂阿育  
王即白飯王者非也阿育王嘗以神力造八萬



四子塔同日而就今大理府城外宏聖寺之塔  
相傳亦其所造史稱西南夷君長以百數阿育  
王所治雖不可考要亦在其中張道宗記其三  
子為神其說與史傳刺謬惟白古記所言尚可  
參取阿育王之裔為南詔蒙氏白飯王之裔為  
仁果一曰仁果時居趙洲州之白崖川當漢武帝  
時與滇王嘗羌角立善撫其衆帝因封之號曰  
白王今大理城西北白王墳蓋其葬處也時又  
有昆彌氏彌一作明以西洱河為境洱一作二謂之西洱

樂山集 卷

河蠻自稱拜國九隆之族也後為南詔所滅仁  
果傳十五世至龍佑那當蜀漢建興三年諸葛  
亮南征雍闓帥次白崖川封龍佑那為白子國  
賜姓張氏於是漸去山林徙平地諸部始知有  
姓氏亮改益州郡為建寧郡張氏後改稱建寧  
國龍佑那傳十七世至張樂進求南詔野史作  
三十三世  
唐高祖武德初南寧州都督韋仁壽將兵循西  
洱河開地數千里置七州十五縣蠻豪皆賓見  
即授以牧宰人皆安悅及還張樂進求遣使隨



仁壽入朝高祖嘉之冊張樂進求為首領大將  
軍時有細農邏者唐書作細奴邏耕於魏寶山麓數有  
祥異孽牧蕃息部衆日盛張樂進求詣蒙舍祭  
鐵柱鐵柱者諸葛武侯所立歲久剝泐樂進求  
重鑄合酋長九人祭之細農邏與焉有五色鳥  
集於柱又飛憩於細農邏右肩衆咸以為異如  
此者十八日鳥乃去於是諸酋皆歸心於細農  
邏樂進求乃妻以女高宗永徽元年前志附錄  
遂遜位焉細農邏自立為奇王以居於蒙舍號

樂山集 卷

蒙氏稱大封民國而張氏世絕白國之名不見  
於史今大理旁近諸郡縣其民猶稱白子或疑  
白與贛音近而訛然贛故侯國與白自是兩種  
西南之國既多古國有白國而史失載歟其近  
似者漢明帝永平中汶山以西百餘國舉踵奉  
貢稱為臣僕白狼王唐叢等慕化歸義作詩三  
章事下史官錄其歌曰遠夷樂德曰遠夷慕德  
曰遠夷懷德和帝永元十二年旄牛徼外白狼  
樓薄蠻夷王唐繒等率種人歸義內屬詔賜金



印紫綬安帝永初二年青衣道夷邑長令田興  
徼外三種夷舉土內屬帝增令曰爵號為奉通  
邑君隋高祖開皇元年白狼國獻方物諸國於  
白國不知族類同異然皆益州所部也  
論曰唐虞尚矣讓國之事燕有子噲子之曷有  
杜宇開明南中亦有張樂進求細農邏其為誠  
為偽與嬰芥獻丕以後之讓天下者同乎否乎  
張氏出於西竺白飯王世以佛法治其國至今  
滇中風俗最重燒香禮拜其遺教也范史推言

樂山集 卷

之曰佛道神化興自身毒而二漢方志莫有稱  
焉豈其道閉往運數閉叔葉乎詳其清心釋累  
之訓空有兼遺之宗道書之流也然好大不經  
奇譎無已雖鄒衍談天之辯莊周蝸角之論尚  
未足以繫其萬一又精靈起滅因報相尋若曉  
而昧者故通人惑焉蓋導俗無方適物異會取  
諸同歸措夫疑說則大道通矣又曰邊矣西胡  
天之外區土物琛麗人性淫虛不率華禮莫有  
典書若徼神道何恤何拘益言蠻夷之性不以



神道制之則無所憂懼無所拘忌也

九隆世家 破虜傍邑侯貞承

九隆者天竺摩竭提國阿育王之苗裔居哀牢

山山在永昌府城北二十五里楊慎雲南世

家哀牢夷初阿育王第三子驃直低生子低蒙

直一作蒙分土永昌之墟娶摩黎羌女為妻名

沙壹華陽國志作壺蒙迦獨嘗漁於水溺死屍不可得

沙壹往哭見一木浮來沙壹坐其上遂感而有

娠十月產子男十人後浮木化為龍出水上作

### 樂山集 卷

人語謂沙壹曰若為我生子今悉何在九子見

龍驚走獨小子不能去背龍而坐背華陽國志龍

就而舐之夷語謂背為九謂坐為龍因名子曰

曰九隆及後長大諸兄以九隆能為父所舐而

點其推以為王時哀牢山下復有一夫一婦產

十女子九隆兄弟皆娶以為妻後漸相滋長種

人皆刻畫其身象龍文衣著尾後漢書注自此

通案今本風俗其九子一曰眉附羅野史作二

曰年直兼三曰年直諾四曰年直酬五曰年直



篤六曰年苴託七曰年苴林八曰年苴頌九曰  
年苴閃九隆乃背坐之夷語九非數隆非龍而  
白古記改隆為龍謂依蒙苴生九子名九龍氏  
其後各為一國之祖古漢說又謂沙壹觸沈木  
生十子復產一子木化為龍其謂小子喚其名  
曰習農樂漢史須畧諸書遂以高祖時而九隆  
為即習農樂漢史須畧諸書遂以高祖時而九隆  
懸十餘世至賢粟於漢光武時通中國九隆代相  
不待辨矣九隆之興蓋在周秦間九隆死世世  
相繼名號不可得而數至於禁高乃可記知禁  
高死子吸代吸死子建非代建非死子哀牢代  
哀牢死子桑耦代桑耦死子柳承代柳承死子

樂山集 卷

柳貌代柳貌死子扈栗代自九隆時分置小王  
往往邑居散在谿谷絕域荒外山川阻深生民  
以來未嘗通中國漢孝武帝通博南山度蘭滄  
水以取哀牢地行者苦之歌曰漢德廣開不賓  
度博南越蘭津渡蘭滄為他人於是哀牢轉衰  
本華陽至光武帝建武二十三年其王扈栗後漢  
國志遺兵乘船南下江漢擊附塞夷鹿芟鹿  
賢粟遺兵乘船南下江漢擊附塞夷鹿芟鹿  
芟民弱小將為所擒會天大震雷疾風暴雨水  
為逆流軍船沈沒溺死者數千人扈栗復遣六



鹿夢

王攻鹿夢王迎戰大破哀牢軍殺其六王哀牢人埋六王夜虎掘而食之哀牢人驚怖引去鹿粟懼謂耆老曰哀牢畧徼自古以來初不如此今攻鹿夢輒被天誅中國其有聖帝乎是何天祐之明也漢威甚神即遣使詣越雋太守願帥種人歸義奉貢光武帝納之以為西部屬國自是歲來朝貢其地東西三千里南北四千六百里有穿鼻儋耳種閩越濮鳩獠其渠帥皆曰王孝明帝永平十二年哀牢王柳狼後漢書遺子

樂山集 卷

率種人內屬後漢書注引哀牢傳柳貌死子鹿賢乘永平時率種人內屬者為柳貌其世次似舛訛當依華陽國志鹿粟攻鹿夢柳狼率種人內屬蓋柳貌之後為柳狼也其稱邑王者七十七人粟鹿粟之後為柳狼也其稱邑王者七十七人戶五萬一千八百九十口五十五萬三千七百一十一西南去洛陽七千里明帝以其地置哀牢博南二縣劉益州郡西部都尉所領六縣續志六縣謂不韋雋唐比合為永昌郡寧州之極南也有閩濮鳩獠越躡漢身毒之民哀牢人皆穿鼻儋耳其渠自謂王者耳皆下肩三寸庶



人則至肩而已土地沃腴宜五穀蠶桑知染采  
文繡蜀氎帛疊蘭干細布織成文章如綾錦蘭  
干捺言紵也有梧桐木華績以為布幅廣五尺  
潔白不受垢汙先以覆亡人然後服之及賣與  
人俗名曰桐華布其竹節相去一丈大受一斛  
許出銅鐵鉛錫金銀水精瑠璃軒蟲蚌珠孔雀  
翡翠犀象又有貂獸食鐵猩猩獸能言其血可  
以染朱罽雲南縣有神鹿兩頭能食毒草博南  
縣山高四十里越之得蘭澹水有金沙以火融

樂山集 卷

之為黃金有光珠穴出光珠有虎魄能吸芥又  
有珊瑚猩猩獸在山谷中行無常路百數為羣  
土人以酒若糟設於路又喜屬子土人織草為  
屨數十里相連結猩猩在山谷見酒及屨即知  
張者先祖姓名乃呼其名而為云奴欲張我捨  
之而去去而又還相呼試共嘗酒初嘗少許又  
取屨子著之若進兩三升便大醉人出收之屨  
子相連不得去執還內牢中人欲取者到牢邊  
語云猩猩汝可自相推肥者出之即擇肥者竟



相對而泣即左思賦云猩猩啼而就禽者也昔  
有人餉封溪令令問餉何物猩猩自籠中答曰  
但有酒及僕耳無他飲食此條後漢書西南夷  
南中志無此文猩猩  
雖有不如此之靈異章帝建初元年哀牢王類  
牢與守令忿爭遂殺守令而反叛攻嵩唐太守  
王尋奔牂榆哀牢三千餘人攻博南燔燒民舍  
章帝募發越嵩益州永昌夷漢九千人討之明  
年春邪龍縣昆明夷酋承等應募率種人與諸  
郡兵擊類牢於博南大破斬之傳首洛陽賜國

樂山集 卷

承帛萬匹封為破虜傍邑侯九隆之族先為哀  
牢國後開其地為永昌郡華陽國志曰南中昆  
明祖之故諸葛為其國譜也

論曰西南之國不知凡幾九隆六詔其最著者  
也白子國出於白飯王哀牢國出於阿育王皆  
天竺國之君長史所謂西南夷之君長以百數  
二王或在其中乎古漢說白古記諸書合二王  
為一人遂使白子哀牢世系牽合交離以今考  
之哀牢為九隆氏其兄九人各主一方先為八



詔及昆彌氏後并為六詔而南詔細奴邏受白  
國張氏之讓且并六詔為一稱蒙氏詔謂王也  
滇去佛所生之天竺頗近其族分國於此而民  
漸染其教最深傳記所言多推崇釋氏樊綽蠻  
書宋祁唐書皆紀六詔事採之別為世家於後  
蠻氏世家

蠻氏者南中大姓也受封者二人南朝為宋即  
都縣侯蠻龍顏北朝為魏同樂郡侯蠻雲自謂  
楚令尹子文之後漢季食采於蠻以蠻為氏自

樂山集 卷

河東安邑遷運南土然戰國策魏惠王時有蠻  
襄則著姓已在秦前蜀漢諸葛亮南征平四郡  
移南中勁卒青羌萬餘家於蜀分其羸弱配大  
姓焦雍婁蠻孟量毛李為部曲初建寧李恢為  
郡督郵其姑夫蠻習為建寧令有違犯之事恢  
坐習免官太守董和以習方土大姓寢而不許  
亮收用俊傑恢領建寧太守而習官至領軍後  
主炎興元年漢亡魏末帝與咸熙元年吳交趾  
郡吏呂興殺太守孫靖內附魏魏遣建寧蠻谷



爨熊等領部曲討之谷未至興已為功曹李統  
所殺晉武帝泰始元年谷等至郡撫和初附無  
幾谷卒吳主孫皓遣將伐交趾入其城俘晉所  
置官屬熊為皓所殺武帝封其後嗣為侯自是  
諸姓衰微爨氏獨盛惠帝懷帝以後巴氏李特  
子雄作亂據成都僭號攻破梁州建寧大姓爨  
量一作保興古槃南作盤一叛晉降雄雄遣其叔  
父驤寇寧州刺史王遜使將軍姚崇華陽國志  
崇作岳今從遜晉書王遜傳今拒戰於堂

樂山集 卷

狼大破之遜卒後刺史尹奉重募徼外夷刺殺  
量平槃南成帝咸和七年驤子壽攻朱提奉遣  
霍彪及琛助太守董炳保城八年奉等出降九  
年雄分寧州置交州以琛為刺史諸爨於漢之  
領軍習其世系莫考然或忠或叛代有名人通  
志乘謂晉時興古太守爨琛以忠著梁水太守  
爨亮以叛聞案琛即深亮即量其官非興古梁  
水深後降李雄亦不以深亮即量其官非興古梁  
忠著惟熊忠於晉耳宋文帝元嘉十八年晉  
寧太守爨松子反叛案松子其名滇寧州刺史  
徐循討平之時南北分裂爨氏各隨所在受封



宋邛都縣侯建寧蠻龍顏官為龍驤將軍鎮蠻  
校尉寧州刺史魏同樂郡侯建寧蠻雲官為驃  
騎大將軍開府儀同三司南寧州刺史南中本  
蠻傲視中朝之強弱盛衰以定從違三國時大  
姓雍闓叛漢李嚴以著曉諭之闓答曰愚聞天  
無二日土無二主今天下派分正朔有三遠人  
惶惑不知所歸其傲慢如此賴諸葛武侯討平  
之南人始不復反晉氏東遷中原擾攘蠻氏以  
方土大姓自王蠻方所部夷既衆皆從主人之

樂山集 卷

姓統稱蠻人而分東西兩蠻漢代以前西南夷  
之君長甚多以漸吞噬興滅惟白飯王之裔張  
樂進求號為白蠻阿育王之裔哀牢夷號為烏  
蠻傳世最久至是而蠻氏之淪於白蠻者謂之  
西蠻淪於烏蠻者謂之東蠻其地自曲州靖州  
西南昆州曲軌晉寧喻獻安寧距龍和城皆西  
蠻也自彌鹿升麻二州川南至步頭皆東蠻也白  
蠻烏蠻屬於兩蠻而蠻非蠻之族類梁元帝時  
侯景之亂南寧州刺史徐文盛徵羣蠻入討西



夔夔瓚遂據有牂牁興古等郡朝廷不得已以  
為寧州刺史瓚死子震翫分統其衆一曰翫松  
子之子也隋文帝開皇十七年翫遣使朝貢以  
為昆州刺史明年叛遣太平公史萬歲征之已  
而入朝卒為文帝所戮沒其子宏遠為奴唐高  
祖受禪宥宏遠仍襲昆州刺史史萬歲之征夔  
翫也從越雋進兵經馬湖番山自蜻蛉川過弄  
棟次小勃弄大勃弄至於南中賊前後據要害  
萬歲皆破之行十餘里見諸葛武侯紀功碑其

樂山集 卷

銘曰萬歲之後勝我者過此命左右仆其碑下  
復有字云隋開皇十九年史萬歲復立吾碑萬  
歲惶恐再拜重立之進渡西瀾河入渠濫川破  
其三十餘部夔翫請降於是勒石頌美隋德夔  
氏世官於滇宏遠之後著名者夔歸王夔乾福  
夔祺夔宗道弟日進日用夔仁哲夔彥昌一作  
夔質壁夔判唐之中葉南詔閣羅鳳強盛以兵  
脅西夔徙戶二十餘萬於永昌城東夔以言語  
不通散依林谷得不徙焉蠻種復振徙居西夔



故地其後為祿勸土官鳳氏  
論曰蠻初以姓著後以名其所據之地西蠻東  
蠻猶後世之稱西迤東迤云爾莊躋以楚將王  
滇西南君長多莊氏之族故史記謂滇王其衆  
數萬人其旁勞漫摩莫皆同姓相扶宋孝武太  
明二年蠻道慶作蠻龍顏碑推原其祖為楚之  
鬬穀於菟或其苗裔有從莊躋之軍者乎史萬  
歲南征豈不以為功邁武侯讀其碑而後惶恐  
拜宜哉

樂山集 卷

羣蠻世家

晉宋以後雄長於南中者兩蠻為最地以蠻名  
而人則白蠻烏蠻唐書南蠻傳曰自夜郎滇池  
以西皆莊躋之裔又曰羣蠻種類多不可記今  
著其受封者曰長川郡公曰順政郡王曰懷化  
郡王曰和義郡王曰羅殿王曰滇王曰夜郎郡  
公曰歸義郡王凡六王二公長川郡公者勿鄧  
大鬼主名苴蒿夷俗尚鬼謂主祭者為鬼主烏  
蠻之種分七部落勿鄧居其末在邛部臺登之



間地方千里天寶中嘗受封爵及南詔陷嵩州  
遂羈屬吐蕃德宗貞元中復通款受封兼印部  
團練使順政郡王者兩林都大鬼主也名苴那  
時通鑑唐紀作苴烏星懷化郡王者名苴夢衝長川郡公  
死子苴驃離幼以苴夢衝為勿鄧大鬼主和義  
郡王者豐琶部落大鬼主名驃傍勿鄧南七十  
里為兩林其南為豐琶吐蕃侵獵勿鄧苴那時  
乞兵於劍南節度使韋臯攻吐蕃戰甚力驃傍  
助之大破吐蕃詔封三人為王皆入朝給印章

樂山集 卷

祀帶宴麟德殿賞賚加等苴夢衝內附吐蕃斷  
南詔使路韋臯召至琵琶川聲其罪斬之披其  
族為六部以樣棄主之及苴驃離長乃命為大  
鬼主驃傍年少驍敏數出兵攻吐蕃吐蕃間道  
焚其居室部落亡所賜印章臯為之請復得印  
羅殿王滇王皆牂牁蠻文宗開成元年其鬼主  
阿峴內屬武宗會昌中封其別帥二人東距辰  
州二千五百里其南千五百里即交州也夜郎  
郡公者亦牂牁蠻首領姓謝氏名龍羽有兵三



萬高祖武德三年遣使入朝以其地為牂州授  
龍羽刺史而封之歸義郡王者戎州管内馴騁  
浪三州大鬼主董嘉慶也累世內附以忠謹稱  
其封年無考又有資陽郡公宋鼎德宗建中三  
年與諸謝朝賀黔中觀察使王礎奏使三年一  
朝詔從之

論曰滇為莽山之域崖谷阻深道里延迤生其  
間者各隨水草畜牧遷徙類聚羣分推其雄桀  
者為長撻芥之與居豺狼之與狎獠悍猛鷙之

樂山集 卷

性殆與鳥獸伍滋育蕃息大者為國邑小者為  
部落久之而鄰境黎氓附蜂攢雜廁其中華  
夷互薰染漸相倣效唐室威惠所暨率皆望塵  
順軌因而建州置縣故顏師古請寫王會圖媿  
美周家故事然亦有安其固然不能變化者如  
黑齒金齒銀齒繡脚種繡面種雕題種穿鼻種  
長鬃種棟鋒種之類自冠裳禮樂之倫觀之莫  
不驚為詭異若夫洪荒草昧之世聖王制度未  
彰中夏之人固嘗居營窟巢穴飲血茹毛草衣



弁服矣然則羣蠻之習俗何不可為冠裳禮樂也哉

樂山集  
卷





樂山集

浪穹王 崧伯高 舊名著  
門下後學同里杜允中註

道光雲南志鈔四

封建志下

南詔世家 高溪郡王尹仇寬

唐之邊患南詔為甚其始興也由沙壹華陽國志作壹

沙壹者哀牢夷摩黎羌女名欠蒙虧嫁為低蒙

直婦低蒙直古滇說作蒙迦篤南詔野史引白古記驃直低聚欠蒙虧生低蒙直今從楊

樂山集 卷

慎漢龍憑其身生十子其小者名九隆諸元以

其雄點推之為王世世相繼名哀牢國漢光武

帝時為西部屬國華陽國志所謂南中昆明祖

之諸葛亮為其國譜者也兄弟十人立為十姓

曰董洪段施何王張楊李趙分土而治九隆諸

兄一為昆彌氏餘分為八詔後漢書所謂分置

小王往往邑居者也昆彌一曰昆明其八詔者

曰蒙舍詔舍一作社曰浪穹詔今為曰鄧賧詔

今鄧曰施浪詔今浪穹縣曰越析詔一名摩

川今鄧曰施浪詔次和之地曰越析詔一名摩



麗江曰蒙嵩詔今四川又有時旁詔矣川羅識  
府此二詔蠻書作白巖時傍通謂之烏蠻先是  
詔劍川矣羅識今從唐書九隆死後分為九十九部不能相君長漢諸葛  
武侯討定之其後自相吞至唐而為六詔蒙舍  
在五詔之南故稱南詔蠻細奴邏據之浪穹詔  
蠻豐時據之施浪詔蠻施望欠據之鄧賧詔蠻  
豐時據之越析詔蠻波街所據地甚廣東南百  
五十里石壁上有色斑爛類花馬又號花馬國  
蒙嵩詔蠻嵩輔首據之六詔各受唐爵為諸州

樂山集 卷

刺史而屬於姚州都督府受劍南節度使節制  
南詔盡滅五詔為滇蜀巨寇樊綽蠻書新唐書  
南蠻傳所載綦詳今著其臣唐叛唐興亡大略  
焉初沙壹生子男十人其時復有婦人奴波息  
生十女子與之配偶分為十族其第五曰牟直  
篤傳三十六世名細奴邏一名龍獨羅始稱南  
詔其父名舍龍一名龍伽獨避難蒙舍川細奴  
邏數有神異為衆所服高祖武德初白蠻首  
領張樂進求妻以女張氏世絕細奴邏據其土



自立為奇王號蒙氏稱大封民國平地方祀岳  
瀆封先世五賢七聖為山神以蒙苴篤為始祖  
高宗永徽四年遣子邏盛炎入朝詔授魏州刺  
史賜錦袍南詔野史細奴邏即位改元大封用  
為輔國文臣號楊波遠為神明大士察鹽泉間  
鹽井有彩鳳鳴於鄧川遺一羽今名鳳羽鄉  
五年復遣羅盛炎入朝謝錫命上元元年細奴  
邏卒子邏盛炎嗣南詔野史王薨偽謚高祖恭  
儉能治國武右垂拱五年朝京師賜錦袍歸國  
唐書南蠻傳盛炎身入朝妻方娠生盛睿宗太  
羅皮喜曰我又子雖死唐地足矣

樂山集 卷

極元年邏盛炎卒子晟邏皮立唐書南蠻傳邏  
閣立死開元時弟盛邏皮立南詔野史羅盛炎  
名羅晟偽謚興宗子晟羅皮石刻名誠樂魁  
始立孔子廟於國中玄宗開元二年晟邏皮遣  
張建成入朝詔封晟邏皮特進臺登郡王建成  
受浮圖像并佛書以歸請唐大匠恭韜徽義等  
至國建崇聖宏聖等寺并造浮圖以鎮水患十  
五年晟邏皮薨子皮邏閣立晟邏皮偽謚威成  
史子皮邏閣石刻作魁樂覽開元太宗南詔野  
二十六年封雲南王又稱歸義王十七年皮邏  
閣使清平官張羅皮從嵩州都督張審素擊諸



蠻破之拔昆明及鹽城詔授皮羅閣為永昌郡  
都督皮邏閣兵威既振思并吞諸夷謀於張建  
成厚賂劍南節度使王昱求合六詔為一昱為  
請於朝許之乃先遣人說蒙嵩詔照原與連合  
照原以子原羅質於南詔時越新詔波衝妻美  
而淫與蒙酋張尋求通尋求因殺波衝皮邏閣  
乘間說王昱至姚州誘召尋求至數其罪誅之  
即以地畀南詔波衝兄子于贈持所寶鐸鞘東  
北渡瀘邑於龍怯河與其部酋楊墮治兵欲復

樂山集 卷

故土南詔追之不能克用張建成謀先取三浪  
三浪者浪穹施浪透賧也回兵攻浪穹浪穹酋  
鐸羅望豐時之孫戰不克退保劍川南詔遂并  
有浪穹之地歸囊透賧詔於大磴城即今大其  
酋咩羅皮入鐘山據險約鐸羅望與施浪詔共  
拒南詔皮邏閣與子閣邏鳳分道攻破之咩羅  
皮走死其子皮邏透築城自固施浪詔酋施望  
欠亦敗獻愛女乞和挈族走永昌渡瀾滄江溺  
水死弟施望干走吐蕃吐蕃納之劍川與鐸羅



望雜居皮邏閣既并四詔聞蒙嵩詔喪明國中  
無主謀曰王誓若更立強明蒙嵩不可圖矣不  
若歸其質子令人隨往乘便圖之於是送原羅  
歸國遣兵應之因擊殺其父遂據其地并虜原  
羅以歸猶恐諸詔遺孽尚存將遺後患廼建松  
明為樓誘而焚之於是浪穹之鐸羅望澄賧之  
皮羅澄施浪之施望干與蒙嵩之原羅皆被焚  
死惟越析于贈遠不與會閣邏鳳往擊楊墮破  
之于贈投瀘水死獲其鐸鞘以歸鐸鞘者狀如

樂山集 卷

殘辦有孔旁遠出麗水飾以金擊無不洞萬人  
寶重月以血祭之南七部使王昱親戚為五詔一  
漸抗命因賂劍南節度使王昱親戚為五詔一  
使人羅閣建大詔六月明樓敬祖於上至期五詔  
皮羅閣建大詔六月明樓敬祖於上至期五詔  
時唯澄賧詔妻寧比妃祖於上至期五詔  
錫納夫臂而行二寧比妃祖於上至期五詔  
食牲至晚酒醉皮邏閣獨下樓各焚其骨以收  
火以兵圍之不火發獨寧比妃祖於上至期五詔  
屍灰燼中以此日為火獨寧比妃祖於上至期五詔  
詔取其中妃妾比妃祖於上至期五詔  
華夫畢閉城自固南詔圍之三城日食盡衣冠者  
自縛於坐而後死南詔圍之三城日食盡衣冠者  
瑣錄卷二考澄賧詔豐咩為邏閣所敗復歸澄賧  
其子咩羅皮徒澄賧川為皮邏閣所敗復歸澄賧



與浪寫施浪合兵拒南詔卒不勝皮邏閣奪文  
賦南詔破劍川為慈善之托於永昌至其本末如  
未見焚死之陽照原善羅皮邏閣使蒙人殺自  
輔原羅遠有地亦原著焚死贈事越人殺自  
逐被羅地歸南詔其地亦原著焚死贈事越人殺自  
於龍怯河閣望偏破之兄子于浪九六世貞元  
羅鐸羅羅望從永昌施君九六世貞元  
南詔勇羅羅君從永昌施君九六世貞元  
子干弟羅願走以吐蕃力保劍識子南詔破走永昌  
自皮干弟羅願走以吐蕃力保劍識子南詔破走永昌  
死事恐傳聞之詔地北今寧北或滅或蓋從人祀德  
瑣錄所辦甚明業祀之北今寧北或滅或蓋從人祀德  
鄧川浪穿俱立廟善之北今寧北或滅或蓋從人祀德  
在而今鄧川浪穿俱立廟善之北今寧北或滅或蓋從人祀德  
表而古蹟其在東其善事定非子虛諸葛元聲湏道史

樂山集卷

謂南詔所焚乃諸詔遺孽馮魁滇考從之細  
情事蓋遼駭詔恐其復興以計誘至其國并誘各  
野共孽舉火焚之其復興以計誘至其國并誘各  
詔遺孽舉火焚之其復興以計誘至其國并誘各  
名白姐阻夫母行不聽約鐵劍於其野共孽舉火焚之  
劍而得其屍唐書但云文選皮保野共孽舉火焚之  
而詔要其死如秦昭襄王誘楚懷王之術諸詔  
為其所愚或迫五詔既滅其後嗣散居劍順之  
於不得已耳  
間者貞元中南詔北伐俱虜之徙永昌二十年  
皮邏閣連陷遼川永昌石鼓沙追賧龍怯賧等  
地以雲南以西盡為所有二十五年皮邏閣與  
御史嚴正誨謀擊吐蕃自統軍攻石橋城令子



閣羅鳳攻石和子俱破之又與中使王承訓同  
破劍川蠻瀾河蠻二十六年春皮邏閣入朝詔  
封越國公特進開府儀同三司賜名歸義以其  
子閣邏鳳為左金吾衛大將軍尋拜特進都知  
兵馬大將前後兩賜璽書并賜金鈿帶七事又  
以破瀨蠻功冊為雲南王既歸國變驕大以蒙  
舍形勢未勝築太和城於蒼山洱水之間徙居  
之夷語山坡陀為和故謂太和立上下二關曰  
龍首龍尾明年城大釐又城永昌初西蠻東蠻

樂山集 卷

分據滇中高祖以爨宏達為昆州刺史宏達死  
其子爨歸王為南寧州都督居石城襲殺東爨  
首領蓋聘及子蓋啟徙共範川有兩爨大鬼主  
爨崇道與弟日進日用居安寧城左章仇兼  
瓊置府東爨通安南因開步頭築安寧城賦  
役繁重羣蠻震駭於是南寧州都督爨歸王昆  
州刺史爨禰求州刺史爨守義憬山大鬼主爨  
彥昌南寧大鬼主爨崇道等攻殺竹靈倩并築  
城使者破安寧事聞玄宗遣中使孫希莊御史



韓洽都督李安等督蒙歸義討之歸義遣大將  
段儉魏興李安等赴安寧師次波州蠻歸王及  
崇道等懼率兄弟千餘人泥首謝罪赦之案唐書南  
蠻傳開步頭路葉安寧城乃章仇李安欲乘此  
兼瓊而滇攻以為竹靈備今改政  
以威東蠻激崇道殺日進及歸王東蠻諸酋並  
起問罪歸王妻阿妣烏蠻女也夫父部乞兵遣  
使詣歸義求殺夫者歸義為請於朝以其子守  
隅仍為南寧州都督歸義以女妻之又以一女  
妻崇道子輔朝以為和解而崇道守隅仍相攻

樂山集 卷

不置阿妣請歸義為興師乃協同諸蠻逐崇道  
走黎州遂擄其族并輔朝收還其女崇道尋亦  
被殺諸蠻稍離弱南詔益強其西緬暹羅大秦  
其南交趾八百真臘占城老撾諸國皆歲進珍  
奇而雲南以東之地浸浸入於南詔矣天寶四  
載蒙歸義遣其孫鳳伽異入朝詔授鴻臚少卿  
賜樂一部以宗室女為公主妻之七載十二月  
蒙歸義薨子閣羅鳳立八載玄宗遣中使黎敬  
義冊封閣羅鳳為雲南王以其子鳳伽異為鴻



臚工卿兼陽瓜州刺史都知兵馬大將軍自細  
奴邏至此凡五世俱奉唐正朔朝貢不絕李宓  
初為雲南太守後以都督同南詔討諸蠻既以  
計激蠻崇道殺蠻歸王蠻邏等惡南詔解其難  
奏南詔諸不法狀節度使郭靈已解之及張虔  
陀為雲南太守貪淫狡詐故事蠻酋謁都督必  
率其妻子與俱閣羅鳳既立率妻妾過度陀度  
陀皆私之又多所徵求閣羅鳳不應度陀數詬  
斬之陰表其罪由是怨憤日深鳳陰修城堡結

樂山集 卷

吐蕃置鐵橋於金沙江以通來往度陀奏南詔  
將反閣羅鳳亦表陳度陀之罪朝廷使中官賈  
竒俊詳覆竒俊入度陀賄是度陀閣羅鳳怒發  
兵攻姚州度陀戰不勝飲醜死閣羅鳳遂陷姚  
州拔雋州虜酋瀘合鄭回以歸九載詔遣劍南  
節度使鮮于仲通等三路出師討之閣羅鳳懼  
就安寧城使王克昭再伸已寃克昭不允因復  
攻安寧陷之又遣使詣軍前謝罪請復還所據  
且曰如不許將歸命吐蕃仲通怒進軍白崖遣



將王大運繞出點蒼山後閣羅鳳遣子鳳伽異  
將段儉魏迎山後師自統大兵戰於洱河官軍  
大敗仲通僅以身免王大運亦為段儉魏所殺  
仲通所將兵八萬一戰而死者六萬人閣羅鳳  
遂取夷州三十二歛戰紫築京觀遣使齎金寶  
赴吐蕃告捷吐蕃冊閣羅鳳為東帝號贊普鐘  
給金印夷謂君為贊普弟為鐘謂為兄弟之國  
而南詔是弟也南詔野史鳳弟皮閣和尚有神  
術遣令結好吐蕃人馬十八騎  
往不過朝夕王師三閣羅鳳遂改正朔稱贊普  
至三敗皆其術也

樂山集 卷

鐘元年僭號大蒙國以段儉魏為清平官賜名  
忠國揭碑國門明不得已而叛嘗曰我上世世  
奉中國累封賞後嗣容復歸唐若唐使者至可  
指碑深被吾罪也十二載唐復置姚州閣羅鳳  
復陷之明年楊國忠以劍南節度當國調天下  
兵凡十萬討南詔入聞雲南多瘴癘行者愁怨  
父母妻子送之所在哭聲振野乃命侍御使劍  
南留後李宓節度使何履光等率兵十道並進  
閣羅鳳遣軍將王樂寬等潛軍襲之復誘李宓



全軍深入至太和城閉壁不戰安糧盡士卒饑  
疫死者什七八欲引還適吐蕃兵至內外夾  
擊安沉江死唐著楊國忠傳安敗死西河容  
征蠻詩序安蓋歸至長安未嘗敗  
死惟漢考言安沉江死今從之全軍皆沒楊  
國忠隱其敗更以捷聞益發中國兵進討前後  
死者幾二十萬人無敢言者南詔野史是役也  
乃白妣妖術展帕  
用鉢而笑韓院僧羅鳳曰生雖禍之始死乃  
怨之終今天子致討兵士何辜乃收亡將等屍  
祭而葬之又令清平官鄭回撰德化碑案南詔  
九立二

樂山集 卷

碑一在城西肅宗至德元載閣羅鳳乘亂陷越  
南一在城北嵩會同軍據清溪關降尋傳驃諸國上元二年  
引兵東伐置俗富河陽長州石城等郡遷西蠻  
戶二十餘萬於永昌代宗永泰元年閣羅鳳命  
其子鳳伽異增築拓東城改稱善闡府遣將破  
曲靖大麻元年閣羅鳳更築羊苴咩城於太和  
之北僭號大禮國四年閣羅鳳改元長壽築養  
子城又築麗水金寶城十四年閣羅鳳死偽謚  
神武子鳳伽異先死孫異牟尋嗣立追謚鳳伽



異為悼惠王南詔野史閩羅鳳異牟尋有智數  
善撫衆畧知書母李獨錦蠻女也獨錦蠻亦烏  
蠻種在秦藏川南玄宗命其長為歸州刺史世  
與南詔婚聘異牟尋立悉衆二十萬入寇與吐  
蕃并力一趨茂州踰文川擾灌口一趨扶文掠  
方維白坝一侵黎雅叩邛邛關令其下曰為我  
取蜀為東府工伎悉送邛邛城歲賦一練連陷  
州縣刺史棄城走士民竄匿山谷上憂之用楊  
炎計發禁兵四千人使神策都將李晟將之發

樂山集 卷

邠隴范陽兵五千入使金吾大將軍曲環將之  
自江油趨白坝與山南兵合擊吐蕃南詔破之  
范陽兵追及於七盤又破之遂克維茂二州李  
晟進擊於大度河外又破之吐蕃南詔饑寒隕  
於崖谷死者八九萬人吐蕃悔怒殺誘導使之  
來者此事唐書南蠻傳在德宗十四年異牟尋懼  
築羊苴咩城延袤十五里徙居之唐書南蠻傳  
異牟尋拓東城諸葛亮石刻故在文日碑即今  
為漢奴夷羊苴咩城以石指格漢雲歷年傳即  
城之有城大業府城吐蕃封為日東王德宗建中



元年異牟尋僭稱見龍元年興元初僭改上元  
封境內山川為五岳四瀆中岳點蒼山東岳絳  
西岳高黎共山北岳玉龍山四瀆一曰黑  
惠江一曰瀾滄江一曰金沙江一曰潞江并建  
祠及三皇廟春秋致祭設官分職在內為九爽  
三托在外為二都督六節度十賧凡田五畝曰雙  
上官授田四十雙上戶三十雙以是為差農無  
貴賤皆耕不徭役人歲輸米二斗是時南詔之  
境東至於銅柱鐵橋蟠桃玉榆東南至於交趾  
南至於驃國木落山西至於太石西北至於吐

樂山集 卷

蕃北至於神川東北至於黔巫縱橫數千里故  
西瀘令鄭回者相州人通經術閱羅鳳既虜之歸  
愛重之號蠻利使其子鳳迦異及孫異牟尋曾  
孫尋夢湊皆師事焉每授學回得捷之及異牟尋  
嗣立以回為清平官清平官者蠻相也凡有六  
人而國事專決於回五人者事回甚卑謹有過  
則回撻之南詔有衆數十萬吐蕃每入寇常以  
為前鋒賊歛衆數又奪其險要立城堡歲徵兵  
助防異牟尋苦之回因說異牟尋復自歸於唐



曰中國尚禮義有惠澤無賦役非若吐蕃憚刻  
無極也今棄之復歸唐無遠戍勞利莫大此異  
年尋以為然而無路自致九十餘年及西川節  
度使韋準至鎮招撫羣蠻異年尋潛遣人因羣  
蠻求內附準奏請招納之其時李泌亦勸招雲  
南以斷吐蕃右臂德宗命準先作邊將書以諭  
之準乃遣諜者遺書吐蕃疑之因責大臣子為  
質且發兵二萬屯會川塞滇黔之路韋準遣將  
擊破之比年致書招異年尋終未獲報然吐蕃

樂山集 卷

每發南詔兵南詔與之益少勿鄧酋長苴夢衝  
潛通吐蕃扇誘羣蠻隔絕南詔使者準遣三部  
落總管蕞荒將兵至琵琶川執夢衝數其罪而  
斬之南詔之路始通吐蕃南詔日益相猜每南  
詔兵至境上吐蕃輒亦發兵聲言相應韋準復  
遣異年尋書欲與共襲吐蕃驅之雲嶺之外悉  
平吐蕃城堡獨與南詔築大城於境上置戍相  
保永同一家貞元九年異年尋決策歸唐遣使  
三輩一出戎州一出黔州一出安南各齎生金



丹砂詣韋舉金以示堅丹砂以示赤心三分舉  
所與書為信皆達成都異牟尋上表請棄吐蕃  
歸唐并遣舉帛書自稱唐雲南王孫吐蕃贊普  
義弟日東王舉遣其使者詣長安并上表賀德  
宗賜異牟尋詔書令舉遣使慰撫之明年舉遣  
其廵官崔佐時隨詔使至南詔所都羊苴咩城  
時吐蕃使者數百人先在其國異牟尋尚不欲  
吐蕃知之欲令佐時衣牂牁服而入佐時不可  
曰我大唐使者豈得衣小夷之服異牟尋不得

樂山集 卷

已夜迎之設位陳燎佐時大宣詔書異牟尋內  
畏吐蕃顧左右失色流涕再拜受命鄭回密見  
佐時教之故佐時盡得其情因勸異牟尋悉斬  
吐蕃使者去吐蕃所立之號獻其金印復南詔  
舊名異牟尋皆從之仍刻金契以獻帥其子尋  
夢湊唐書南蠻傳作及清平官與佐時盟於點  
閣勸此從通鑑蒼山載書四一藏神祠石室一沈西洱水一置  
祖廟一以進天子遣曹長段南羅趙迦寬隨佐  
入朝先是吐蕃與回鶻爭北庭大戰死傷甚衆



徵兵萬人於南詔異牟尋請發三千人吐蕃少  
之益至五千許之異牟尋自將數萬人踵其後  
晝夜兼行襲擊吐蕃戰於神川大破之取鐵橋  
等十六城虜其五王降其衆十餘萬遣弟湊羅  
棟清平官尹仇寬等二十七人入獻地圖方物  
帝賜賚有加拜仇寬左散騎常侍封高溪郡王  
以祠部郎中袁滋為冊南詔使成都少尹龐頌  
副之崔佐時為判官俱文珍為宣慰使劉幽巖  
為判官賜銀窠金印文曰貞元冊南詔印通鑑  
考異

樂山集 卷

韋臯奏狀皆稱雲南王而實漢雲南別錄曰詔  
袁滋冊異牟尋為南詔蓋從其請南詔之名自  
此始也蠻語詔即王也 滋至其國大和城異牟  
尋遣兄蒙細羅勿等以良馬六十迎之異牟尋  
蒙虎皮執雙鐸執矛千人衛大象十二引於  
前騎軍徒軍以次列詰旦授冊異蒙尋率官屬  
北面立宣慰使東向冊使南向乃讀詔冊相者  
引異牟尋去位跪授冊印稽首再拜又授賜版  
備物退曰開元天寶中曾祖及祖皆蒙冊襲王  
自此五十年貞元皇帝洗痕錄功復賜爵命子



子孫孫永為唐臣因大會其下享使者出銀平  
脫馬頭盤二謂滋曰此天寶時先君以鴻臚少  
卿宿衛所賜也有笛工歌女皆垂白示滋曰此  
先君歸國時皇帝賜胡部龜茲音聲二列賞治  
注唐十部樂有龜茲樂有彈箏篳篥琵琶五  
絃橫笛笙簫箏箜篌鼓雞婁鼓腰鼓擔鼓齊鼓貝皆一銅鈸二舞者  
四人設五方師子高丈餘歸以方色每師子有  
十二人畫衣執紅拂首加紅今喪亡畧盡唯二  
人故在滋曰南詔當深思祖考成業抱忠竭誠  
永為西南藩屏使後嗣有以不絕也異蒙尋拜

樂山集 卷

曰敢不承使者所命滋還後遣清平官尹輔首  
等七人謝天子獻鐸鞘浪劍鬱办生金瑟瑟牛  
黃琥珀蠶紡絲象犀越駝統倫馬鬱办鑄時以  
毒藥并治取迎躍如星者九十年乃成淨以馬  
血以金犀飾鐸首傷人即死浪人所鑄故亦名  
浪劍王所佩者傳七世矣既入獻朝廷賜賚甚  
厚前後使者皆授官有差驃國王雍羌亦遣使  
同南詔使獻其國樂凡二十二曲與樂工三十  
五人其曲皆演梵音一低一仰未嘗不相對凡



五譯而至成都韋臯復譜次其聲作南詔奉聖  
樂奏之詔封雍羌為彌臣國王資治通鑑貞元  
十八年南詔王摩  
羅思那遣其子悉利移入貢驃國在南詔西南  
六千八百里南詔內附而慕之因南詔入見  
仍獻異牟尋攻吐蕃復取昆明城以食鹽池又  
其樂破施蠻順蠻並虜其王置白崖城因定磨些蠻  
隸昆山西蠻故地破茫蠻掠弄棟蠻漢裳蠻以  
實雲南東北遣使獻馬六十二匹取越巂置軟  
化府誅擊吐蕃以遼川寧北等城當寇路乃峭  
山深塹修戰備又請以大臣子弟質於臯臯辭

樂山集 卷

固請乃盡舍成都咸遣就學且言昆明嵩州與  
吐蕃接不先加兵為虜所脅反為我患請臯圖  
之臯以兵糧未集請俟他年臯有智數恐南詔  
親與而未悉其心故以此辭十五年吐蕃謀襲  
南詔將以十月圍嵩州屯兵昆明又屯西貢川  
異牟尋與臯相聞臯命部將武勉率弩士三千  
赴之亢榮朝以萬人屯黎川韋良金以二萬五  
千人屯嵩州約南詔有急皆進軍吐蕃引眾五  
萬自曩貢川分二軍攻雲南一軍自諾濟城攻



嵩州舉以嵩州實往來道扞蔽數州乃嚴兵以  
守別遣將襲擊降其帥吐蕃兵氣頓衰退至鐵  
橋南詔毒其水人馬飲之多死吐蕃益懼遂屯  
三瀘水復城悉攝悉攝吐蕃險要也南詔與舉  
部將杜毗羅祖擊之十七年春夜絕瀘水斬吐  
蕃屯率吐蕃保鹿危山杜毗羅設伏以待吐蕃  
大酋皆降獲甲二萬又合鬼主破之於瀘西吐  
蕃大懼乃戍納川等五城欲悉師出西山劍山  
攻嵩州以絕南詔舉遣將邢毗屯南北路趙昱

樂山集 卷

戎黎雅州異牟尋謂舉曰吐蕃聲取嵩州實窺  
雲南請進軍羊苴咩城舉督諸將分道與南詔  
會陳兵深入克城七焚堡百五十所擒其將論  
熱殺獲無算帝遣中使降溫旨勞異牟尋吐  
蕃盛屯昆明神川納川自守異牟尋比年獻方  
物天子皆厚禮之憲宗元和三年異牟尋卒詔  
太常卿武少儀持節吊祭冊其子尋閣勸為王  
賜元和新印其國人私謚曰孝桓王上尋閣勸  
尊號曰驃信驃信莫言帝也僭改元曰應道以



善闡為東京太和為西京明年死偽謚孝惠王  
子勸龍晟立南詔野史孝惠王名僭改元龍興  
淫肆不道上下怨疾嗣位凡六年其臣弄棟節  
度使王嵯巔弒之偽謚幽王通鑑注南詔置弄  
之地程大昌曰南詔有六節度於唐姚州  
弄棟永昌銀生劍川拓東麗水日立其弟勸利  
晟唐書通鑑詔少府少監李銑為冊立吊祭使  
勸利晟德嵯巔賜氏蒙封太容夷言大兄也任  
清平官專決國事僭改元全義穆宗長慶三年  
始賜印是歲死偽謚靖王國人請立其弟豐祐

樂山集 卷

先是勸利晟時黃洞巖屢叛管間連歲被兵  
王嵯巔乘釁東寇安南然朝貢猶每歲不絕未  
幾勸利晟死於善闡城詔遣京兆少尹韋審規  
吊祭冊豐祐為王隨遣洪成苗等入謝豐祐楷敢  
善用其眾始慕中國不與父連名資治通鑑注  
名其先細奴邏生邏盛炎邏盛炎生炎閻炎閻  
死而立其弟盛邏皮盛邏皮生皮邏皮皮邏皮  
異年尋生尋閣勸尋閣勸生勸龍晟勸利晟皆  
連名僭改元保和文宗太和二年又改元天啟  
也西川節度使杜元穎以舊相文雅自高杜元穎  
長慶初



相穆不曉軍事專務蓄積減削士卒衣糧西南  
成邊之卒衣食不足皆入蠻境鈔盜以自給蠻  
人反以衣食資之由是蜀中虛實動靜蠻皆知  
之文宗太和三年十一月南詔嵯巔謀大舉入  
寇邊州屢以告元穎不之信嵯巔兵至邊城一  
無備禦蠻以蜀卒為鄉導襲陷嵩戎二州元穎  
遣兵與戰於邛州南蜀兵大敗蠻遂陷邛州武  
寧節度使王智興入朝詔發東川興元荆南兵  
以救西川十二月又發鄆岳襄鄧陳許等兵繼

樂山集 卷

之以王智興為忠武節度使以東川節度使郭  
釗為西川節度使兼權東川節度事嵯巔自邛  
州引兵徑抵成都九城志自邛州東至成都二百六十里陷其外  
郭成都自韋舉結好南詔四十年無蠻警兵備  
懈弛杜元穎帥衆保牙城以拒之欲遁者數四  
詔貶元穎為邵州刺史以右領軍大將軍董重  
質為神策諸道西川行營節度使又發太原鳳  
翔兵赴西川南詔寇東川入梓州西川郭釗兵  
寡弱不能戰以書責嵯巔悖盟嵯巔復書曰杜



元穎侵擾我故興兵報之耳時董重質等大兵已集嵯巔頗懼回與劉修好而退蠻留成都西郭十日其始慰撫蜀人帝肆安堵將行乃大掠子女百工數萬人及經籍珍寶而去蜀人恐懼自殺者不可勝計救兵逐之嵯巔身自殿至大渡河謂蜀人曰此吾南境也聽汝哭別鄉國衆皆號慟赴水死者以千計自是南詔工巧與中國埒明年豐祐上表自陳兼疏杜元穎之罪請誅之帝再貶元穎循州司馬郭釗至成都與南

樂山集 卷

詔立約不相侵擾詔遣中使以國信賜嵯巔郭釗以疾求代四年以李德裕為西川節度使蜀自南詔入寇一方殘弊德裕至鎮議韋皋傾內資結蠻好示以戰陣文法啟戎資盜其策非是乃建籌邊樓按南道山川險要與蠻相入者圖之左西道與吐蕃接者圖之右其部落衆寡饋運遠邇曲折咸具名習邊事者與之指畫商確凡虜之情偽盡知之又料擇伏瘡舊獠與州兵之任戰者廢遣耄什三四士無敢怨又請甲



人於安定弓入河中弩入浙西由是蜀之器械  
皆犀銳率戶二百取一人使習戰貨物事緩則  
農急則戰謂之雄邊子弟總十一軍築仗義城  
以制大渡清溪關之阻作禦侮城以控榮經獠  
角之勢作柔遠城以扼西山吐蕃復邛崃關徙  
嵩州治臺登以奪蠻險又轉邛雅粟以佐內粟  
陽山之運十月為漕始先夏而至不涉炎月輦  
夫得免瘴毒邊民迺安帝命修塞清溪關以斷  
南詔入寇之路德裕上言通南詔細路至多不

樂山集 卷

可塞惟重兵鎮守可保無虞又欲召北兵歸德  
裕復奏蜀兵脆弱新為南詔所困皆破胆不堪  
征戍若北兵盡歸蜀不可保朝廷盡從其請德  
裕乃修甲冑器械完殘奮懈皆有條次於是二  
邊寢懼南詔請還所俘掠四千人五年遣使貢  
物六年南詔掠縣國民三千徙之拓東閣成四  
年五年武宗會昌二年俱遣使來朝六年寇安  
南節度使裴元裕死之宣宗 十年豐祐建  
五華樓於其東京以會西南夷十六大國君長



樓方廣五里高百尺上可容萬人又立碑金馬  
山以記方物漢雲歷年傳大理先有五華安南  
經畧使苛墨自私以斗鹽易一牛萬人不堪十  
二年結南詔將段酋遷陷安南都護府號白衣  
沒命軍南詔發朱弩佞苴三千人助守朱弩佞  
苴者親衛軍也然猶朝貢不絕豐祐凡立三十  
六年改元者二曰保和天啟始立常平倉建善  
闡王宮廢道教設學校置教官以益州人張永  
讓國人趙永本為之十三年豐祐死於東京偽

樂山集 卷

謚昭成王南詔野史云昭成王名晟豐祐石刻  
豐祐或云是勸利晟之弟或云十六漢雲歷年傳  
野史云名晟豐祐當是勸利晟之子而又曰石  
刻為勸豐祐則又承尋南詔自勸龍晟為其臣  
樂勸而為利晟之弟矣王嵯巔所弒而異年尋之業始哀亦自豐祐王  
嵯巔而益輕中國豐祐死子世隆立世隆唐書  
初韋學在西川開清溪道以通羣蠻使由蜀入  
貢又邀羣蠻子弟聚之成都教以書數欲以慰  
悅羈縻之業成則去復以他子弟繼之如是五  
十年羣蠻子弟學於成都者殆以千數軍府頗



厭於廩給又蠻使入貢利於賜予所從僮人寢  
多杜棕為西川節度使奏請節減其數詔從之  
豐祐怒其賀冬使者留表付嵩州而還又索習  
學子弟移牒不遜自是入貢不時頗擾邊境會  
宣宗崩遣中使告哀時豐祐適卒世隆凶狠悖  
慢謂我國亦有喪朝廷不吊祭又詔書乃賜故  
王遂置使者於外館禮過甚薄使者還具以狀  
聞朝廷以世隆名犯廟諱復無朝貢不告國喪  
亦絕冊立吊祭使斥其名曰酋龍世隆乃自稱

樂山集 卷

皇帝國號大禮改元建極改西京曰中都東京  
曰上都遣兵陷播州懿宗咸通元年安南都護  
復取播州安南土酋引南詔兵三萬人乘虛攻  
安南陷之二年陷邕州又陷嵩州時杜棕入相  
上言南詔向化七十年蜀中寢兵無事羣蠻率  
服今西川兵食單寡且應遣使吊祭曉諭清平  
官等以新王名犯廟諱故未行冊命待其更名  
謝恩然後遣使冊命庶全大體上從之命左司  
郎中孟穆為吊祭使會南詔寇嵩州攻邛峽關



穆遂不行二年以蔡襲為安南都護襲發諸郡  
兵二萬守邊節度使蔡京阻之襲固請不許已  
而南詔將楊思縉等率兵薄城攻急襲錄異牟  
尋盟言繫矢上射入其營不答襲兵少不能守  
城陷闔宗死者七十人幕府樊綽取襲印走渡  
江蠻遂屠城殺虜十五萬人使楊思縉以兵二  
萬據交趾城進屯龍州窺內地康承訓為嶺南  
西道節度使至邕州不設斥候南詔帥六萬人  
將入境承訓統六道兵凡萬人拒之敵至不設

樂山集 卷

備五道八千人皆沒惟天平軍後至得免承訓  
不知所為副使李行素帥眾治濠柵甫畢蠻軍  
已合圍四日攻具將就諸將請夜分道斫蠻營  
承訓不許有天平小校再三力爭乃許之小校  
將勇士三百夜縫而出散燒蠻營斬首五百餘  
級蠻大驚解圍去承訓乃遣諸軍數千追之所  
殺虜不滿三百級皆溪獠脅從者承訓騰奏云  
大破蠻賊中外皆賀加承訓檢校右僕射子弟  
親昵皆奏功受賞燒營小校不遷一級由是軍



中怨怒聲流道路東道節度使韋宙具知承訓  
所為以書白宰相迺罷承訓以高駢代之南詔  
復寇焉州節度使蕭鄴率屬蠻鬼主邀擊於大  
渡河敗之六年南詔陷焉州刺史喻士珍降於  
蠻七年高駢大破南詔復取安南駢初代蔡襲  
為都護前後節度使鄭愚張茵俱懦弱不能任  
事特命以兵授駢駢以五百人渡江敗林邑兵  
於邕州旋擊南詔龍川花拔之楊思縉燒資畜  
走世隆恐安南有失復遣楊緝思范尼些趙諾

樂山集 卷

眉等助段酋遷守安南駢戰數勝士無不一當  
百緝思出戰敗還士乘之踴躍超堞入斬酋遷  
泥些諾眉等安南遂平方駢破龍川花監軍李  
維周如其功匪捷書不上更奏駢玩敵不進帝  
憂之命王晏權代駢維周遽檄駢回適駢已得  
安南遣王惠贊傳酋遷首獻捷京師天子大悅  
加駢檢校工部尚書復鎮安南置靜海軍於安  
南以駢為節度使南詔為安南患始將十年至  
是始平駢鑿開五道通漕運築安南城周三千



步造屋四十餘萬間南詔畏之不敢東侵未幾  
復有成都之寇先是世隆遣清平官董成等詣  
成都節度使李福盛儀衛以見之故事南詔使  
見節度使拜伏於庭成等曰驃信已應天順人  
資治通鑑注南詔自尋夢湊以來自稱  
驃信萬語君也因僭號自謂應天順人我見節  
度使當抗禮傳言往返自旦至日中不決將士  
皆憤怒福乃命梓而毆之囚械繫於獄七年劉  
潼代福為西川節度使表請縱還詔召成等至  
京師厚賜勞而遣之賤李福為斬王傳八年世

樂山集 卷

隆遣楊酋慶謝釋董成之囚且歸成都俘三千  
人定邊軍節度使李師望欲激蠻怒以邀戰功  
遂殺酋慶會朝廷徵師望還以竇滂代鎮世隆  
怒中國殺其使遂傾國入寇攻清水關屯將杜  
再榮絕大渡河走蠻服漢衣濟河遂陷犍為掠  
陵榮二州進攻嘉州刺史楊志力戰九日不勝  
走嘉州陷竇滂自勒兵戰蠻偽請和滂信之蠻  
遽譟而進滂不知所為倉卒走蠻陷黎州遂入  
邛徕關攻邛雅二州皆陷之進攻成都次眉州



節度使盧耽與刺史吳行魯楊慶復共修守備  
西川之民爭走入城時成都但有子城亦無壞  
人所占地各不過一席許雨則戴笠蓋以自庇  
又乏水取摩訶池泥汁澄而飲之實滂覲成都  
陷得薄其罪沿途歛援軍不使遽前世隆攻益  
急耽率楊慶復楊志等百許備禦世隆不能克  
耽遣同節度副使譚奉祀致書於其用事之臣  
杜元忠問其所以來之意蠻留之不還耽告急  
於朝且請遣使與和以紓一時之患朝廷命太

樂山集 卷

僕卿支詳為宣諭通和使蠻以耽待之恭亦為  
之盤桓而成都守備由是粗完蠻長驅而北陷  
雙流耽遣節度副使柳槃往見之杜元忠授槃  
書一通曰此通和之後驃信與軍府相見之儀  
也其儀以王者自處語極驕慢又遣人負綵幕  
至城南云欲張陳蜀王廳以居驃信蠻軍抵成  
都城下前一日盧耽遣先鋒遊奕使王晝至漢  
州訶援軍且趣之王晝以興元資簡兵三千餘  
入軍於毗橋過蠻前鋒與戰不利退保漢州成



都部將李自孝陰與蠻通欲焚城東倉為內應  
城中執而殺之後數日蠻果攻城城中無應而  
止蠻合梯衝四面攻成都城上以鉤環挽之使  
近投火沃油焚之攻者皆死盧耽遣楊慶復攝  
左都押衙李驤各帥突將出戰殺傷蠻二千餘  
人焚其攻具三千餘物蜀人素怯其突將斬為  
慶復所獎拔且利於厚賞勇氣百倍其不得出  
者皆憤鬱求奮蠻取民籬重沓濕而屈之以為  
蓬置人其下舉以抵城而斫之矢石不能入火

樂山集 卷

不能然慶復鎔鐵汁以灌之攻者又死支詳遣  
使與蠻約和蠻遣使迎祥時顏慶復以援軍將  
至詳謂蠻使曰受詔在定邊約和冀其不犯成  
都也今矢石交攻何謂和乎蠻以和使不至復  
攻城城中出兵擊之乃退初韋臯持南詔以破  
吐蕃蠻訴以無甲弩臯使將往教之數歲蠻中  
甲弩皆精刺朝廷賂竇滂為康州司戶以顏慶  
復為東川節度使凡援蜀諸軍皆受慶復節制  
蠻分兵往拒之慶復大破蠻軍殺二千餘人蠻



騎數萬復至會右武衛上將軍宋威以忠武二千人至即與諸軍會戰蠻軍大敗死者五千餘人退保星宿山威進軍沱江驛距成都三十里蠻遣其臣楊定保詣支祥請和詳曰宜先解圍退軍蠻圍城如故城中不知援軍之至但見其數來請和知援軍必勝矣蠻請和使者十返城中依違荅之蠻以援軍在近攻城尤急縣信以下親立矢石間官軍至城下與蠻戰奪其升遷橋蠻自燒攻具遁去比明官軍乃覺之初朝廷

樂山集 卷

使顏慶復救成都命宋威屯綿漢為後繼威乘勝先至城下破蠻軍功居多慶復疾之威領士欲追蠻軍城中戰士亦欲與北軍合勢俱進慶復牒威奪其軍勒歸漢州蠻至雙流阻新穿水造橋未成狼狽失度三日橋成乃得過斷橋而去甲兵服物遺棄於路掠工匠玉帛以歸遂盡有大渡以南之地時咸通十一年也是役也盧耽揚慶復守堅城選突將時出勝筭宋威又乘勝追奔於外功幾成矣而顏慶復收奪威軍使



世隆成梁而濟反致盡失大渡河以南之地顏  
氏之內其足食乎世隆年少嗜殺戮親戚異已  
者皆斬兵出無寧歲諸國更讐忿屢覆衆國耗  
虛蜀之役男子十五以下悉發婦耕以餉軍十  
四年復寇黔中經畧使秦匡諫棄城奔荆南播  
州陷招討使楊端攻復之即據其地僖宗乾符  
元年南詔寇西川作浮梁濟大渡河防河都知  
兵馬使黃景復俟其半濟擊之蠻敗走斷其浮  
梁蠻以中軍多張旗幟當其前而分兵潛出上

樂山集

卷

下流各二十里夜作浮梁詰朝俱濟襲破諸城  
柵夾攻景復力戰三日景復陽敗走蠻盡銳追  
之景復設三伏以待之蠻過三分之二乃發伏  
擊之蠻兵大敗殺二千餘人追至大渡河南而  
還復修完城柵而守之蠻歸至之羅谷過國中  
發兵繼至新舊相合鉦鼓聲聞數十里復寇大  
渡河與景復夾水而軍詐云求和又自上下流  
潛濟與景復戰連日西川援兵不至而蠻衆日  
益景復不能支兵遂潰南詔乘勝陷黎州入邛



岷關攻雅州大渡河潰兵奔入邛州成都驚擾  
民爭入城或北奔他州城中大為守備世隆遺  
節度使牛叢書曰非敢為寇也欲入見天子面  
訴數十年為讒人離間寃抑之事儻蒙聖恩矜  
恤當還與尚書永敦鄰好今假道貴府欲借蜀  
王廳留止數日即東上叢素懼怯欲許之楊慶  
復以為不可斬其使者留二人授以書遣還因  
責之曰詔王之祖六詔最小夷也天子錄其勤  
合六詔為一俾附庸成都名之以國使子弟入

樂山集 卷

太學使習華風今乃自絕王命雀蛇犬馬猶能  
報德王乃不如蟲鳥乎爾祖嘗奴事西蕃為爾  
仇家今顧臣之何恩讐之矣耶蜀王故殿先世  
之寶宮非邊夷所宜舍神怒人憤縣信且死蠻  
兵及新津而還叢恐蠻至預焚城外民居蕩盡  
明年高駢移鎮成都蠻方攻雅州聞之引去駢  
發精騎五千追至大渡河擒其酋長數十人斬  
之修戍邊關絕南詔入蜀之要道南詔遣使者  
詣高駢求和而盜邊不息駢斬其使者蠻之陷



交趾也虜安南經畧判官杜驤妻李瑤瑤宗室  
女世隆遣瑤還遞木夾以遺駢稱督爽牒西川  
節度使辭極驕慢駢送瑤京師復牒南詔數其  
負累聖恩德暴犯邊境殘賊欺詐之罪安南大  
渡覆敗之狀折辱之自南詔叛天子數遣使至  
其境驃信皆坐受其拜駢以其俗尚浮屠法故  
遣浮屠景仙攝使往世隆與其下迎謁且拜乃  
定盟而還遣清平官苗望趙宗政質子三十人  
朝乞盟請為兄弟若舅甥駢結吐蕃尚延心盟

樂山集 卷

末魯耨月等為間築戎州馬湖沐源川大渡河  
三城列屯拒險料壯卒為平夷軍南詔氣奪世  
隆志發疽死偽謚景莊皇帝時乾符四年也自  
世隆嗣立以來為邊患殆二十年中國為之虛  
耗而蠻之戰帥勁兵亦半盡於外矣世隆死於  
越嵩之景淨寺子隆舜立一名法改國號鶴拓  
亦號大封民僭改元貞明隆舜年少好畋獵酣  
逸衣絳紫錦罽鏤金帶國事巔決大臣遣段瑑  
寶等詣嶺南節度使辛儼請修好詔使荅報未



幾寇西川高駢奏請與和親右諫議大夫柳勣  
吏部侍郎崔澹上言遠蠻畔逆乃因浮屠誘致  
又議和親垂笑後世不可從議遂寢五年南詔  
遣其酋望趙宗政來請和親無表但令督蕤牒  
中書請為弟而不稱臣時高駢徙鎮荆南持前  
請上表與澹爭辯不決辛讜遣幕府徐雲虔攝  
巡官往覲到善闡府驃信見大使抗禮受副使  
已下拜遣使謂雲虔曰貴府牒欲使驃信稱臣  
奉表貢方物驃信已遣人自西川入唐與唐約

樂山集 卷

為兄弟不則舅甥夫兄弟舅甥書幣而已何表  
貢之有雲虔曰驃信既欲為弟為甥驃信景莊  
之子景莊豈無兄弟於驃信為諸父驃信為君  
則諸父皆稱臣况兄弟與甥乎且驃信之先由大  
唐之命得合天詔為一恩德深厚中間小忿罪  
在邊鄙今驃信欲修舊好豈可違祖宗之故事  
乎順祖考孝也事大國義也息戰爭仁也審名  
分禮也四者皆全德也可不勉乎驃信待雲虔  
甚厚雲虔留善闡十七日而還驃信以木夾二



授雲慶其一上中書門下其一牒嶺南西道然  
猶未肯奉表稱臣廣明元年南詔復攻陷安南  
西川節度使陳敬瑄申駢議宰相盧攜從中主  
之乃以宗室女為安化長公主許婚中和三年  
拜嗣曹王勣年宗正少卿為雲南使徐雲慶為  
副使送公主詣南詔時帝幸成都隆舜遣使朝  
行在上表款附昭宗乾寧四年隆舜以淫虐無  
道為其豎臣楊登所弑子舜化真立隆舜偽謚  
聖明文武皇帝南詔野史作宣武皇帝改元四曰貞明白

樂山集 卷

承智曰大同曰差耶舜化真建元中興遣使款  
黎州修好朝廷欲以詔書報之西川節度使王  
建上言小夷不足辱詔書臣在西南彼必不敢  
犯塞從之舜化真立四年當昭宗天復二年南  
詔清平官鄭買嗣弑之奪其國蒙氏自高宗永  
徽四年癸丑細奴邏僭據至昭宗天復二年壬  
戌舜化真國亡歷十三代共二百五十年蒙氏  
建國設官立把國事八人曰坦綽曰布燮曰从  
贊曰酋望曰正酋望曰員外酋望曰大軍將曰



員外猶試官也立九典分理曰幕典主兵曰琮  
典主戶籍曰慈典主禮曰罰典主刑曰勸典主  
官人曰厥典主工作曰萬典主財用曰引典主  
客曰未典主商賈皆清平商望大軍將兼之典  
猶言省也又立三托曰乞托主馬曰祿托主牛  
曰巨托主倉廩大府主將曰演習副曰演覽中  
府主將曰繕齋副曰繕覽下府主將曰澹酋副  
曰澹覽小府主將曰幕搗副曰幕覽府有佗酋  
佗西即管記判官之類王自稱曰元謂其下曰

樂山集 卷

梟猶卿爾也王母曰信麼亦曰九麼妃曰進武  
外有六節度曰弄棟曰永昌曰銀生曰劍川曰  
麗水曰拓東有二都督曰會川曰通海治民者  
有十賧一雲南賧一白崖賧又曰勃弄賧一品  
澹賧一遼川賧一蒙舍賧一大聲賧又曰史賧  
一苴咩賧又曰楊賧一蒙泰賧一矣和賧一趙  
州賧賧夷語州也又丁壯者皆為戰卒王之親  
兵曰朱弩佉苴佉苴苴帶也兵百人置羅苴子  
統一人羅苴子戴朱靛盔負犀革銅盾而跣走



險如飛自曹長以降繫金佺直尚絳紫有功加  
錦又有功加金波羅金波羅虎皮也望苴蠻在  
瀾滄江西凡兵出以望苴蠻先驅以清平子弟  
為羽儀王左右有羽儀長八人清平官見王不  
得佩劍惟羽儀長佩之為親信有六曹長曹長  
有功補大軍將大軍將十二與清平官等列曰  
議事王所出治軍壁稱節度次稱清平官有內  
算官代王裁處外算官記王所處分以付六曹  
凡調發下文書衆邑必占其期百家有總佐一

樂山集 卷

千家有治人官一萬家有都督一以邑落遠近  
分四軍以旗幟別四方面一將統千人四軍置  
一將凡敵入境以所入面將禦之  
論曰南詔始受唐封既而畔臣吐蕃及韋皋鎮  
蜀復歸於唐其反覆無常視邊將之得失以為  
向背也世隆僭稱大號唐無知之何至以公主  
妻隆舜而與講舅甥之禮何其悖哉王建曰臣  
在西南彼必不敢犯塞嗚呼可以思其故矣  
大理世家



據雲南以為國者蒙氏之後段氏最久始於段  
思平傳國至正嚴宋史作和譽當宋徽宗政和六年  
遣使入貢明年詔以正嚴為雲南節度使加金  
紫光祿大夫檢校司空上柱國冊封大理國王  
遞傳至興智凡二十二世並僭稱皇帝歷三百  
五十年元滅之而國亡先是唐西瀘令鄭回為  
南詔閣羅鳳所擄以儒術見重鳳伽異異年尋  
皆師之世為其清平官猶中國之宰相也南詔  
蒙隆舜時鄭回七世孫買嗣執政密令暨臣楊

樂山集 卷

登弒隆舜而立其子舜化真復弒之而自立更  
名景改國號曰大長和改元安國諸蠻三十七  
部心不服謀起兵買嗣懼誅楊登以塞眾口立  
八年死偽謚聖明仁武威德桓皇帝子仁曼立  
通鑑無仁字今從時後梁太祖開平四年也建  
漢放及十國春秋元孝治立三年寇蜀黎州蜀主王建大破之求  
婚南漢漢主劉巖以增城公主妻之明年仁曼  
服丹藥死改元五曰天瑞景星安和貞祐初歷  
偽謚肅文太上皇帝南詔野史是聰明智巧國  
泰民安後唐莊宗同光四



年薨在位 子隆立改元天應在位二年東川  
十七年 節度楊干貞弒之而立侍中趙善政偽諡隆  
恭惠皇帝鄭氏傳三代歷二十六年而亡趙善  
政寧北怯逸塋人楊干貞既弒隆宜恐下不服  
乃推善政立之使盡誅鄭氏子孫南詔野史善  
山中午睡夢神曰柴具矣醒而果然其母異之  
後為清平官一日途行天墮石於前忽裂有朱  
字云善政為天子於是楊改國號曰大天興改  
元尊聖甫十月干貞廢之而自立善政死偽諡  
惠康皇帝干貞和村人母名彌桑有殊色蒙隆

樂山集 卷

舜私之有姪後適漁人楊氏生干貞故冒楊姓  
南詔野史干貞幼時坐船首見水中有人龍袞  
宛旒彩鳳白光繞之其父視之乃是兒影遂大  
喜自干貞既立改國號曰大義寧改元光聖尋  
又改大明為政貪虐中外咸怨在位八年通海  
節度使段思平起兵討之干貞不能禦出走永  
昌思平進至萬箭樹干貞自縊死偽諡肅恭皇  
帝時後晉高祖天福元年也鄭趙楊既滅段氏  
始興其先本武威郡姑臧人漢太尉段熲之後  
出自鄭其叔段遂以為氏漢段會宗以天水上



邽人為西域都護頰蓋其從曾孫以平羌功封  
新豐侯官至太尉者二人前後二書並有傳段  
氏世居西塞子孫散處或仕中國或入蠻陬段  
榮段韶顯於北齊段志元為唐佐命其後段文  
昌遂相穆宗皆武威姑臧之族也姑臧後為烏  
斯臧且譌為西藏西藏與雲南接壤雲南之段  
氏由姑臧而來故段氏世為西邊郡望唐玄宗  
時段儉魏仕南詔蒙氏為清平官從鳳伽異敗  
鮮于仲通於西洱河賜名忠國世為大軍將主

樂山集 卷

東方六傳而至思平南詔野史思平母過江生  
有異兆又善撫納諸蠻蓋歸心于貞忌之思平  
亦怨于貞篡奪義不出仕卜於秀山神祠就其  
舅爨判自匿于貞索捕甚急乃變姓名為獵者  
以一犬自隨自品旬投宿主人主人有一犬以  
生牛革四疊裹之倚於牆入夜風忽吹犬洞貫  
其革而出思平驚曰是何銘利其神戰耶明旦  
以犬易戟又得神驪於葉鏡湖思平以神異自  
詡時于貞之篡已八年善臣守高方素與思平



善密遣人招思平與弟思良及軍師董伽羅走就之於路乏食飢甚瞥見巨桃摘食之剖其核而仁亦巨其膚有文曰青昔思平析而解之曰青者十二月也昔者二十一日也今楊氏政亂吾當以此月日舉義乎遂至善巨與高氏謀討千貞潛往東方乞師於黑蠻松蠻三十七部皆助之會於石城盟誓立碑合衆十餘萬鼓行而西所向無敵師次洱河尾是夕思平夢人斬其首又夢玉瓶耳缺及鏡破醒而懼不敢進兵董

樂山集 卷

伽羅曰進也三夢皆吉公為丈夫夫去首為天子兆也瓶以玉為玉去耳為玉王之兆也鏡中有影如人有敵鏡破則無影無影則無敵三夢皆吉進也思平乃決明旦引兵欲渡莫知所從見江尾一婦衣白被瓔而浣指曰人從我江尾馬從三沙矣爾國名大理從之得濟千貞不虞師之猝至率妻子倉皇出走親屬皆被俘國人盡歸思平復晉天福二年十二月二十一日思平自立果符青昔之讖思平改國號大理建



子素英在位二十四年改元五曰廣明明應明  
聖明德明治宋真宗大中祥符二年卒私謚昭  
明皇帝傳子素廉在位十四年改元明啟宋乾  
興元年卒私謚敬明皇帝素廉子前死其孫素  
真尚幼國人乃立素英之孫素隆素隆者素廉  
之姪也素隆立改元明通自念本素真之國因  
其弱國人扳已不得已代之閱四年素真稍長  
素隆乃避居僧寺不復歸以國予素真素真立  
改元正治國人高素隆之讓於其卒也謚之曰

樂山集 卷

秉義皇帝素真在位十四年宋仁宗寶元二年  
卒私謚聖德皇帝有子先亡傳於孫素興素興  
年少好佚遊廣營宮室於東京築春登雲津二  
堤分種黃白花其上有繞道金陵縈城銀稜之  
日每春月挾妓載酒自玉案三泉湖為九曲流  
觴男女列坐鬪草簪花以為樂時有一花過歌  
則開過舞則動素興愛之命美人以花盤髻為  
飾因名素興花一名素馨花似茉莉花而繫木  
本蔓延後訛為木香花殆花妖也

漢雲歷年傳  
按東京即今



省城春登今東門外里名金汁河所經則春登  
堤金汁河也棧同農夫指龍江則遠多乃  
盤龍江堤也棧同農夫指龍江則遠多乃  
曰幾聲乃然此金花入銀河如呼為堤讀  
為去聲乃然此金花入銀河如呼為堤讀  
俗呼為棋盤山在城西二里三泉者山下  
冷泉名蓮花池在城北二里三泉者山下  
為瀑布文殊山下有殊泉亦素興立改元聖  
在城北皆省城之勝處殊泉亦素興立改元聖  
明在位四年國人因其失道廢之而立思廉私  
稱素興天明皇帝思廉者思平曾孫智思之子  
其繼素興則宋仁宗慶曆四年也自思平之起  
當後周廣順時至是百有九年而宋之興亦八

樂山集 卷

十五六年矣宋興大理不知聞仁宗皇祐五  
年樞密副使狄青破廣源州叛蠻儂智高於邕  
州智高奔大理乃募死士使大理求智高重譯  
而至死士者雅州蕃牙郎號任判官者也聲言  
智高將借大理兵以入蜀蜀大恐會張安道帥  
蜀偵知任判官所為召至成都將斬之任請以  
家屬繫雅州獄而身自入蕃窮問智高指實於  
是得小雲南書言智高至南詔復謀作亂為南  
詔所殺安道以聞其實智高自病死思廉因函



其首歸宋托言誅之也至是段氏始聞於中國  
焉思廉在位三十一年避位為僧改元曰保  
安大安正安正德宋神宗熙寧八年卒私號世  
宗謚孝德皇帝傳子連義改元上德明年遣使  
貢於宋連義立六年其臣楊義貞弑之篡其位  
改元廣安凡四月岳侯高智昇遣子昇泰起東  
方兵討滅之而立連義從子壽輝改元上明初  
高氏佐思平建義世為顯官至是以靖難功加  
高智昇太保封德侯子昇泰善闡侯代智昇為

樂山集 卷

相以其弟義勝治祿琇以高福守易門以高連  
慶治羅部以其姪泰運守安寧又於楚雄築外  
城號德江城以封其姪子量成一門之盛半於  
大理壽輝立二年逼於高氏不自安是時日月  
交晦星辰晝見壽輝乃託以天變避位為僧更  
立思廉之孫正明正明在位十三年改元三曰  
保立建安天祐段氏世衰人心漸歸高氏宋哲  
宗紹聖元年正明避位為僧國人奉高昇泰立  
之私稱正明保定皇帝昇泰改國號大中建元



上治而段氏中絕昇秦立二年將死謂其子秦  
明曰段氏不振國人推我不得從之今其子已  
長可還其故物爾後人勿效尤也紹聖三年昇  
秦卒秦明乃立正明之弟正淳號後理國段氏  
復興高秦明相之以其弟秦運為柵主政令皆  
出其門國人稱為高國主宋徽宗崇寧二年正  
淳遣高秦運入朝求經籍得六十九家正淳在  
位十三年政元四曰天授明開天政文安大觀  
三年傳位於其子正嚴避位為僧卒私謚文安

樂山集 卷

皇帝號中宗正嚴立勤於政事遠方悉來貢獻  
與國主高量成謀遣使入廣南求內附觀察使  
黃璘以閱政和六年遣李紫琮等貢馬三百八  
十匹及麝香牛黃細氈碧玳瑁山諸物又有樂人  
善幻戲即大秦鞞軒之遺名五色花鬘弄徽宗  
愛之賞賜不貲明年遂命官封爵然帝制於國  
中自若也越十一年而宋高宗南渡紹興六年  
正嚴因廣西經畧安撫使貢象馬詔護送行在  
優禮答之十七年正嚴傳子正興而遁居僧寺



凡在位三十九年改元五曰日新文治嘉永保  
人廣運卒私謚宣仁皇帝號憲宗是時宋高宗  
亦禪位於孝宗而稱太上皇正興立改元五曰  
永貞大寶龍興盛明建德在位二十五年傳子  
智興而避位為僧時宋孝宗乾道八年也卒私  
稱正康皇帝號定宗宋高宗孝宗兩世內禪而  
正嚴正興亦然蓋中外風氣相同如此智興在  
位二十九年改元五曰利貞盛德嘉會元貞安  
定以宋寧宗慶元六年卒私謚功極皇帝號景

樂山集 卷

宗子智廉立改元鳳歷宋寧宗嘉泰二年遣使  
詣臨安取大藏經一千四百六十五部置於五  
華樓在位六年卒私謚享天皇帝無子傳於其  
弟智祥智祥在位三十四年改元三曰天開天  
補仁壽宋理宗嘉熙二年卒私號神宗皇帝子  
祥興立改元道隆是時宋與大理俱被元侵逼  
國日以微祥興在位十二年以宋理宗淳祐十  
一年卒私謚孝義皇帝子興智立改元天定其  
明年為元憲宗之二年命太弟忽必烈征雲南



以兀良合台總督軍事其三年九月次忒刺分  
三道以進兀良合台率西道兵由晏當路諸王  
抄合也只烈率東道兵由白蠻太弟由中道乙  
已至滿院城留輜重十月丙午過大渡河又經  
行山谷二千餘里至金沙江乘革囊及楸以渡  
摩沙蠻主迎降十一月辛卯遣三使入大理招  
殺興智皆被殺丁酉師至白蠻打郭寨其主將  
出降其姪堅壁拒守攻拔殺之不及其民庚子  
次三甸辛丑白蠻送款十二月丙辰兵薄大理

樂山集 卷

城國王段興智微弱國事皆決於相高泰祥屢  
戰不勝時東路兵亦至皆登點蒼山下視城中  
城中大懼泰祥徵兵三十七部有來援者皆為  
元兵阻敗泰祥與興智謀出避外郡圖興復興  
智奔善闡泰祥奔統矢太弟命大將也古及拔  
突兒迨之初太弟以大理拒命將屠其城詞臣  
姚樞從征嘗夜晏陳宋太祖遺曹彬取江南不  
殺一人市不易肆事明日太弟據鞍呼之曰汝  
昨夕言曹彬不殺事吾能為之吾能為之及師



至大理命樞裂帛為旗書止殺之令按兵入城  
分號街陌於是人民安堵已未西道兵亦至令  
姚樞訪圖籍祭被殺之三使辛酉南出龍尾城  
次趙臉癸亥獲高泰祥於姚州欲官之嫚罵不  
受被斬於五華樓下臨死嘆曰殺運不曰天使  
其然為臣死國職也吾事畢矣時白日當午雷  
電大作風沙愁慘觀者萬人莫不灑泣太弟曰  
忠臣也命收葬之而官其子高瓊高長壽等明  
年太弟班師大將兀良合台拔善闌獲興智以

樂山集 卷

獻赦之封為摩訶羅差領諸蠻大理國亡元憲  
宗五年諸部悉平得五城八府四郡三十七部  
立萬戶府十有九以大理為都元帥府錄段氏  
子孫仍守其土世世為總管太弟忽必烈即位  
是為元世祖興智入朝道卒世祖遣使諭祭進  
贈大理向義王賜物歸葬以其弟段寶為總管  
其後卒與元相終始自古割據之雄未有歷年  
如此之久者興智之後為總管者十一代楊慎  
滇載記備著之段正明之臣高昇泰篡位二年



後雖還國於段正淳然大權悉歸高氏國人皆以國主稱之其後秦明秦運量成居然與段氏並立蓋東西各據一京又有平國公明國公中國公其姓名不可詳考

論曰自唐以來據雲南者蒙鄭趙楊段五氏蒙氏本烏蠻之族趙善政浪穹人蓋亦唐時諸詔之遺孽楊干貞國蒙隆舜之遺體而冒姓為楊與秦之趙政楚之幽王悍無異是皆西域阿育王之餘裔也鄭氏出於回段氏出於頻並以華

樂山集

卷

人而墮於蠻乃鄭氏三世而亡段氏傳二十餘世猶為元代總管國祚之修短何懸絕耶然大理奉回為本主廟食至今而段氏之祀無聞豈享國與享祀亦有莫能兩大之義哉檀萃詔史補曰段氏本出武威猶鄭氏本出滎陽鄭回以西瀘令陷南詔為清平官其裔鄭買嗣遂篡蒙氏段儉魏以大軍將臣蒙氏其後段思平討叛亂而君之其得國比鄭氏為正傳國至四百餘年不聞內犯邊境永寧可謂能為中國保塞者



矣蒙氏世為唐臣而叛附吐蕃北陷成都東陷  
安南迄於唐亡終被其患而段氏原非宋臣宋  
北患遼金西患西夏而安南大理均與宋鄰安  
南尚聞內侵宋亦喪師海上獨大理分疆畫界  
從不踰垣且函送儀元遣使朝貢求諸經籍歌  
詠華風便要荒之服盡得賢君長如此中夏復  
何憂乎昔歐陽公於五季諸國皆著為世家唐  
書於南詔蒙氏亦著為列傳夫五季諸國割據  
土地甚狹年數甚促未有如段氏之地廣世長

樂山集

卷

至四百餘年之盛者也蒙詔本出哀牢餘風未  
殄而大理則以武威望族不墜華風其君多賢  
每以避位傳高揖之美以視五季之篡奪相尋  
宋金之互相吞噬奚翅霄壤乎又曰段氏先宋  
而興雖亡亦先宋而以總管昨土猶百餘年視  
宋為優而其間事蹟亦頗與宋相類段自思平  
開國一傳而其弟思良奪之猶太宗之奪太祖  
也思良傳思聰素順素英素康素隆素貞素興  
凡七世素興以無道廢自後漢丁未至慶歷甲



申共九十八年國人仍立思平之元孫段思廉  
豈不如高宗南渡仍立太祖之裔孝宗乎素興  
在位日淺但嬉遊無大失德國人廢之而立思  
廉想見思良篡奪已久國人終有所不服雖歷  
百年終造慕思平而立其裔也其間傳弟傳子  
有數君亦猶宋之內禪而避居僧寺銷聲匿跡  
不致有不朝上皇之嫌其臣高氏平逆亂代立  
旋仍歸之兩無所猜世與段氏終始較宋之張  
邦昌劉豫奚翅天淵立國三百年不聞有軍旅

樂山集 卷

之役其臣亦無所著閱殆漢之文景紀無可書  
之事唐之房杜傳無可載之功矣嗚呼段氏治  
雲南至使中國之人幾不聞有大理豈非老氏  
所云至治之世鄰國相望雞犬之聲相關民至  
老死不相往來者乎而宋何能及歟

元宗室諸王世家

世祖以太弟嗣位既平大理念非親賢鎮撫不  
能靖一方或以荒服難之世祖曰朕固樂其風  
土向非麻數在躬將於彼請分器焉至元八年



以第五子忽哥赤為雲南王於是累代皆封王  
出鎮世祖封者曰宗王脫忽魯曰雲南王也先  
帖木兒曰梁王噶瑪拉曰梁王松山成宗封者  
曰梁王閻闕武宗封者曰雲南王老的英宗封  
者曰梁王王禪泰定弟封者曰雲南王帖木兒  
不花文宗封者曰豫王阿忒思納失里又有禿  
堅者文宗時自立為雲南王諸王之事馮魁漢  
政具載之其追尊大號者曰光聖仁孝皇帝廟  
號顯宗即噶瑪拉也舊史作甘麻刺續綱目改

樂山集 卷

定之初世祖生十子其二曰珍戩舊作金生成宗  
諱特穆爾舊作木即位後追尊考珍戩曰裕宗  
裕宗三子成宗其季也噶瑪拉者



遂失大理援達里麻既敗王知事不可為謂其  
右丞曰我宗室無降理有死以報國耳先縊其  
妃自飲藥不死投滇池中舉家從之俱死其左  
丞達的右丞驢兒夜入草舍自經太祖遷王家  
屬於耽羅詳見明史本傳

明黔寧世家 岷王梗

黔寧王沐英字文英鳳陽定遠人太祖初起時  
養以為子賜姓朱後復本姓洪武十年論功封  
西平侯十四年同將軍傅友德征雲南平之明

樂山集 卷

年詔友德班師留英鎮雲南二十五年卒於鎮  
年四十八歸葬京師進封黔寧王謚昭靖子春  
晟昂皆鎮雲南所尚成祖女常寧公主春字景  
春嗣父西平侯爵卒年三十六謚惠襄無子弟  
晟嗣晟字景茂以建文元年嗣為西平侯英宗  
正統四年征麓川思任發還至楚雄卒年七十  
二進封定遠王謚忠敬蓋太祖平雲南嘗倣元  
代親王出鎮之制洪武二十八年以雲南新附  
命第十八子岷王梗鎮撫建文元年沐晟奏其



過廢徙漳州并錮之成祖永樂初復王與晟交  
惡帝賜書諭梗而詔戒晟梗又不法帝怒奪冊  
寶尋念王建文中久幽繫復予之而梗不悛六  
年削其護衛仁宗洪熙元年徙武岡州初太祖  
以第五子周王橚就藩開封橚棄其國來鳳陽  
帝怒將徙之雲南尋止建文初橚時有異謀其  
次子汝南王有勦告變帝使李景隆執橚竄蒙  
化諸子並別徙今大理無為寺有汝南王記是  
周王橚次子封雲南不法被囚興守臣交惡者

樂山集 卷

為岷王梗也自沐英受封出鎮世守其土英宗  
以後雖常命內官至雲南鎮守然沐氏相繼自  
若忠敬王晟卒有子斌字文輝幼襲公爵居京  
師而以晟弟昂代鎮昂字景高正統十一年卒  
年六十七贈定邊伯謚武襄於是晟子斌始之  
鎮代宗景泰元年卒年五十四謚榮康子琮幼  
命昂孫璘以都督同知代鎮璘字廷章英宗天  
順初卒琮尚幼擢璘弟瓚為都督同知往代憲  
宗成化三年琮始之鎮而以瓚為副總兵移鎮



金齒琮字廷芳孝宗宏治九年卒年四十七贈  
太師諡武僖無子以瓚孫崑嗣崑字元中武宗  
正德十四年卒年四十贈太師諡莊襄子紹勳  
嗣世宗嘉靖十六年卒贈太師諡敏靖子朝輔  
嗣嘉靖二十六年卒贈太保諡恭僖二子融鞏  
皆幼旋相繼卒命朝輔弟朝弼嗣穆宗隆慶六  
年有罪逮繫錮之南京卒子昌祚嗣神宗萬曆  
十四年昌祚以病命子獻代鎮未幾獻有罪被  
逮不嶽昌祚復鎮熹宗天啟四年卒年七十孫

樂山集 卷

啟元嗣崇禎三年卒子天波嗣自斌至天波皆  
襲爵黔國公天波襲後十餘年永明王由榔八  
滇奔緬天波從行緬人劫之不屈被害先是土  
司沙定洲作亂天波奔永昌其母陳氏妻焦氏  
自焚死及天波奔緬妻夏氏不及從自縊死一  
門忠節不愧世臣滇人共稱道之沐氏自英至  
天波受封者二王一侯一伯十公明開國功臣  
傳世最盛且久者中山徐氏外惟沐氏焉其累  
代之賢否功罪俱載明史本傳

